

ORDINVM

REGNI POLONIAE,

NONNVLLO RVMQ. EIVS MAGISTRATVVM,
DE ELECTIONE SERENISS. PRINCIPIS
SIGISMVNDI TERTII REGIS, AD
DIVERSOS PRINCIPES CHRISTIANOS
LEGATIONES, EPISTOLÆ, RESPONSA.

Ex quibus, quomodo electio ea administrata
sit, quæque deinceps in præsentem hunc
diem III. mens: Nouem. acta sint, omnibus
perspicuum esse poterit.

~~D. ANTONIO GÖTZ~~

Eorundem ordinum mandato edita.



C R A C O V I A E,

Ex Officina Lazari. Anno Domini,

M. D. LXXXVII.



Epistola Ordinum Regni

POLONIAE, POST ELECTIONEM
*Sigismundi Tertij regis administratam, ad Summum
Pontificem Sixtum V. à Comitibus Varsaviensibus
missa.*

Sanctissime ac beatissime pater
& domine, domine clementis.



Ost oscula pedum beatorum, nostrumque humilissimam commedationem. Primùm illud Sancti V. significandū existimamus, cum post mortem laudatissimæ memoriæ sermi Stephani regis, nouo regi deligendo diem edixissemus, ad eundemq; legitimè conuenissemus, more institutoq; regni huius pristino, liberis suffragiis nostris electū in regem à nobis esse sermum Sigismundum principē, electumq; regem Sueciæ. In quo, etsi multa à nobis spectata sint, vt propinqua cum Iagellonibus prioribus regibus nostris cognatio: memoria le-

ctissima foeminae matris eius, reginae, quae in
hunc diem in regno nobiscum est, sororis germa-
nae regni deinde tam vicini, & cum quo praeser-
tim non leues regno huius controuersiae interce-
dant, coniunctio; non minus tamen, quod in o-
mnibus rebus familiam ducit, religionem, picta-
temque; eius propositam in eo habuimus; quod-
que ita a praestantissima foemina matre sua in-
stitutum sciremus, ut Sanctis V. ac sanctae Sedis
Apostolicae auctoritatem omnibus in rebus secutu-
rum, dubitare non debere videremur. Quibus
nominibus, cum de tali rege non modo no-
bis, verum vniuersae Christianitati merito gra-
tulari deberemus, quominus perfecta gratu-
latio haec sit, paucorum quorundam siue cu-
piditas, siue dissensio facit; qui cum ab initio
ob priuatas quasdam rationes suas omnes fe-
re publicas actiones impediuiissent, atque ita
rem duxissent, ut magna pars nobilitatis, cuius
in electionibus regum praecipua auctoritas
esse solet, dilaberetur; tandem senatus fere o-
mnis, ac maxima pars nobilitatis eius, quae sub-
stitit, re inter se communicata, in eam sen-
tentiam necessario eundem sibi statuerunt, ut
nulla

nulla vltiore mora interposita, ad electionē tandem accederent. Itaq; Archiepiscopo, qui moribus regni huius, & viuo rege illi proximus, & eodem mortuo princeps dignitate in senatu est, præcunte, cæteris Episcopis, senatoribusque omnibus ferè assentientibus, nobilitate autem maxima postulante, eundem ^{sermum} principem Sigismundū regem renunciarunt. Quo omnium consensu, etsi nemo erat, quin alios ab instituto suo facile deductū iri existimaret: tanta tamen eorum obfirmatio fuit, vt cum septem soli senatores sententiam dixissent, quinque, reliquis duobus absentibus, ex nobilitate autem non pluribus sexaginta, partim familiaribus, partim consanguineis suis assentientibus, cæteris verò, etiam ex iis, qui aliorum consiliorum illorum socij fuerant, publice protestantibus, præterea autem exulibus & proscriptis contra leges regni omniumque gentiū ius adhibitis, ^{sermum} Archiducem Maximilianum, alium regem, per vnum ex numero suo Episcopum Kiouensem, in Episcoporum ordine postremum, eundemq; nondum à Sancto V. consecratum, non tam renunciare,

quàm inuitis & reclamantibus omnibus im-
ponere audent. quonon tam ius aliquod
quàm causam armorum alicui minus fortassis
iuris atque pacis amanti, quale in ser^{mo} suâ effe-
minime existimamus, præberent. Itaque cum
Ser^{us} suâ pietatem atq; prudētiam cogitamus,
ut tale regnum, quod primum alterius sit, de-
inde eo modo, ac per tam paucos homines,
partim etiam conquisita nonnullorum infir-
morū hominum suffragia, delatum sibi sit,
cum suo tūc vniuersæ Christianitatis pericu-
lo accipiat, adduci se passurum, minime nobis
persuademus. cum verò legatorum ac famili-
arium eius studia consideramus, ne ab alijs
Ser^{tas} eius seducta ulterius fortassis, quàm vel
sibi, vel regno huic, vel etiam vniuersæ Christi-
anitati expediat, progrediatur, non possumus
non vereri. Id autem, cum San^{ctus} V. ut vniuersæ
Christianitatis parentis autoritate maximè
auerti non solum possit, verumetiam debeat,
ut inter grauissimas cogitationes suas non mi-
nimum huic curæ temporis San^{ctus} V. imperti-
atur, quo dissidium id non tam tollatur, quàm
sine causa non suscipiatur, diligenter San^{ctus} V.

supplicamus. præterquã enim, quòd inter du-
as gentes vicinas, & quæ non minimam partẽ
Christianitatis constituent, non sine periculo
dimicari posset, huiusmodi etiam causam hanc
esse sine dubio Sanctas V. perspicit; quæ non mo-
do Christianos populos inter se commissura
esset; verum Orientis fortassis etiam arma ali-
enissimo Christianitatis tempore, in Christia-
nos commotura; quominus pro paterna sua
cura ac pietate nihil intermissuram Sanctam V.
nobis persuademus, quo presenti periculo ob-
uiam eatur. De rege nostro, nobisque omnem
vicissim obseruantiam Sancti V. ac sanctæ sedi
Ap^{ce} polliceri multis non debemus; cum ea
sine scelere intermitteri à nobis non possit. Illud
autem confirmare non dubitamus, si quis ad
debitam nostram pietatem, ex hac etiam Sanctis
V. pro nobis atque regno hoc cura, cumulus
accedere possit, facturos nos omnibus rebus;
vò gratissima mente beneficia sua complecti
nos Sanctas V. intelligat. Cui nos omnes atque
regni huius salutem, atque rationes humiliter
commendamus. Ad Varsauiam die 26. Au-
gusti. 1587.

P R A E-

PRAESCRIPTVM LEGATIONIS

*ordinum regni Poloniae, ad S. Cæs. M. Magca
D. Ioanni Bogus, Castellano Czechowiensi, & Re-
uerendo Dño Ioanni Gniazdowski, Suffraganeo
Gnesnensi: Abbati Mogilnen. Dat: Varsaviae,
die 26. Mēn: Augusti. 1587.*

Legati nostri mandatis hisce acceptis, vt
quamprimū ad Cæs^{am} M^{tem} perueniāt,
operā dabunt: facultatemq; adeundā
eius nacti, in hanc sententiam apud M^{tem}
eius legationem suam exponent.

SAcra Cæs^a M^{tas}, Dñe clement^{me}: ill^{mus} fe-
natus atque amplissimi ordines regni Po-
loniae, inprimis, vt obseruantiam, officia, atque
paratissimam in Sac^m Cæs^{am} M^{tem} V. volunta-
tem eorum, Sac^a Cæs^a M^{ti} V. deferremus, no-
bis mandārun: deinde verò, priusquā de re
ipsa, cuius causa ad Sac^m M^{tem} V^m Cæs^{am} nos
miserunt, aliquid significaremus, vt quæ corū
in Sac^m M^{tem} V^m Cæs^{am}, augustissimamq; do-
mum eius obseruantia, quisq; animus semper
fuerit, paucis ostenderemus, voluerunt. Ibi
igitur semper iudicium illorū de ea fuit, vt cū
pro

propter generis maiestatem , tùm ob prudentiam, humanitatem singularem, cæterasq; virtutes regias , non modò regno Poloniæ , sed quibusvis regnis amplissimis dignissimã eam iudicarent. Iidem autem de Sac^a Cæs^a etiam M^{te} V. omninò sibi persuadent, facilè pro prudentia sua eam perspicere , regna atque imperia; non tam ex competitorum dignitate, sed vt plurimùm, ex vtilitate populorum tradi solere: maximam verò partem ex Dei solius, hominum mentes atque cogitationes , quò illi videatur, impellentis, arbitrio atque voluntate constitui. Itaqué primùm, cùm regni Poloniæ competitorum ser^{mi} etiam fratres M^{tis} V. fuerint, quòd præ illis , ser^{mus} Sueciæ princeps & electus rex, Sigismundus, in regem ab illis electus fuerit ; non ita M^{tas} V. interpretabitur, quòd dignitas eorum, serenissimæque domus Austriacæ, neglecta ab illis fuerit; sed primùm, quòd Dei voluntas ita tulerit, deinde verò ipsi etiam regni Poloniæ commoda , atque rationes id postulare existimarent. Spectata autem ab illis hac in re maximè sunt, cùm generis propinquitas, qua proximè defunctos Reges Ser^{tas}

sua attingeret: quæ res ad animos populorum conciliandos, omninoq; in pace continendum regnum, alioquin multis difficultatibus obnoxium, plurimum faceret; tum tam vicini regni, cum quo præsertim non leues controuersia regno Poloniæ intercederent, coniunctio, controuersiarumq; omnium oblitatio; maximè etiam, quòd potentiorè aliquem vicinum minus eius electione irritatum iri sibi persuaderent, cum quo nihil omnino dissensionis aut controuersia haberet. Non tam igitur aliorum dignitas electi regis dignitati postposita ab illis est, quam publica commoda atque rationes plurimum apud eos valuerunt. Ita autem electa ab illis in regem Ser^{tas} sua fuit; vt primùm Archiepiscopo, tanquam principe senatus præcunte, cæteris autem Episcopis atque senatoribus ferè omnibus assentientibus, nobilitate autem, maximè id efflagitante, ab ipso Archiepiscopo renunciaretur. Renunciatus e contra triduo post ab vno Episcopo Kiouienſe, qui præterquam, quòd in Episcoporum ordine postremum locum obtinet, ne consecratus quidem adhuc est,

est, & non multò pluribus quinque senatori-
bus, ex nobilitate autem solis sexaginta partim
familiaribus, partim consanguineis horum as-
sentientibus, cæteris verò omnibus reclaman-
tibus, præterea autem exulibus & proscriptis,
contra leges regni, omniumque gentium ius
adhibitis, Ser^{mus} Archidux Maximilianus Sac^æ
Cæs^æ M^{tis} V. frater fuit: si renunciare id re-
gem est, ac non potius priuato consilio, ob pri-
uatas rationes, contra morem maiorum, inui-
tis omnibus, paucissimos regē imponere vel-
le. De qua quidem renūciatione, pluribus nō
agemus; cum partim ex aliis, partim ex ipsis
notiorum hominū subscriptionibus; de quo-
rundam enim etiam infimorum hominum suf-
fragiis conquisitis non dicimus; facile cogni-
turam Sac^{am} Cæs^{am} M^{tem} V. ordines sibi per-
suadeant, quomodo & à quàm paucis homi-
nibus administrata ea fuerit; vt, qui hoc iure
regnum adire velit, non ius aliquod suum tu-
eri, sed causam armorum quærere velle videat-
ur. Quibus de causis, etsi Ser^{tem} suam nihil te-
merè facturam, aut aliquò progressuram, vn-
de non sine graui periculo recipere se posset,

vel etiam Sac^{am} Cæs^{am} M^{tem} V. tale quicquā
fufcipi permiſſuram omninò ordines ſtatuant;
cū tamen non modò huius regni, ſed vni-
uerſæ ferè Chriſtianitatis periculum hac in re
verſari videant, non prætermittendum exiſti-
mârunt; quin quamprimùm nos etiā ad Sac^{am}
Cæs^{am} M^{tem} V. ea de re mitterent. Nemo illo-
rum tam ab omni humanitatis ſenſu remotus
eſt; vt non, quīs ſenſus fraternus ſit, quid non
modò fratri, verū yniverſæ auguſtiſſimæ do-
mui ſuæ Sac^a Cæs^a M^{tas} V. debeat, intelligat:
verū iidē ea pietate ac prudentia Sac^{am} Cæs.
M^{tem} V. eſſe ſciunt; vt neque de pōtentia do-
mus ſuæ periculo Chriſtianitatis dimicari ve-
lit: neque ſi priuatæ etiam vtilitatis ratio du-
cenda ſit, non vtiliorem ſibi, ditionibusque ſu-
is, amici, ac coniuncti regis amicitiam eſſe poſ-
ſe perſpiciat, quā regnum primò incertum,
deinde multis grauibusque difficultatibus im-
plicatum; quod deinde non modò inſtino
bello petendum ſit, ſed grauioris etiam hoſtis
in yniverſam Chriſtianitatem arma commo-
uere poſſit. Quæ, cū omnia pro eximia pru-
dentia ſua rectius Sac^{am} Cæs^{am} M^{tem} V. perſpi-
cere

cere sciāt, et si pietas eius rogare eos huiusmo-
di in re non patiat; communis tamen peri-
culi auertendi causa, vel diligentissimè etiam
Sac^{am} Cæs^{am} M^{tem} V. rogare non dubitant; ip-
sa enim cū authoritate sua, tum omni ratio-
ne efficere, prohibereq; velit; ne sine vlla cau-
sa, aut huiusmodi causa interposita, non mo-
dò hominibus liberis, Sac^æ Cæs^æ autem M^{tis}
V. omnisq; augustissimæ domus eius obser-
uantissimis vlla vis fiat; verū etiam publica
pace semel sublata, in grauius aliquod pericu-
lum vniuersa Christianitas, in eaque cū hoc
regnum, tū non minus sac^æ Cæs^æ M^{tis} V. di-
tiones ipsius vocentur. Quod, cū omninò
sibi de sac^a Cæs^a M^{te} V. ordines polliceantur,
vt eadem de re scripto etiam responso nobis
dato sententiam suam testari illis velit, quāto
possumus studio, à sac^a Cæs^a M^{te} V. petimus.

Quæ cū dixerint, responsum vrgebunt,
idq; vt scriptum quamprimū secum defe-
rant, operam dabunt.

DE ORVND E M O R D I N V M

*ad principes electores singulos, uno.
exemplo. Epistola.*

Illustris^{me} princeps, dñe obseruand^{me}.

Quomodo electio regis nostri peracta à nobis fuerit ; non dubitamus. ill^{mam} cels^{um}. V^m. ex legatis suis, quos ad eum conuentum miserat, iam antè perspexisse : simul autem illud cognouisse, cum Ser^{mus}, Sigismundus princeps & electus Rex Sueciæ, communibus omnium ferè senatorum, ac maximæ partis nobilitatis suffragiis, in nostrum quoque regem electus, atque ab Archiepiscopo, vt senatus principe, rex renunciatus esset ; triduo pòst Ser^{mum} etiam Archiducem Maximilianum, à quinque circiter senatoribus, paucissimis autem ex nobilitate, iisque magna ex parte illorum familiaribus, cæteris omnibus inuitis ac reclamantibus, regem proclamatum fuisse. Quem, etsi eo nomine pro prudētia eius nihil magnoperè vel iuris sibi vindicaturum, vel grauius etiam quid tentaturum nobis persuadeamus ; vt omnia tamen vereamur, cum fami-

M
familiarium eius studia faciunt; tūc cōmune
periculum Christianitatis, in quod sine dubio
vniuersa Christianitas venturā eſſet, nos ſoli-
citos habet: non modò enim duo vicina eaq;
potentiſſima Christianitatis regna, mutuo at-
que inteſtino bello implicarētur: verū ne O-
riētis etiam arma, quę melioribus temporibus
vix ſuſtinere Christianitas potuerit, nunc alie-
niſſimo eius tempore commoueantur, veren-
dum videmus. Hiſce igitur rebus adducti, non
cōmittendum exiſtimauiſus, quin ad Ill^{ma}
etiam Cels^m V. ea de re ſcriberemus. diligēter
autem ab ea quoque petimus; vt pro eo loco,
quem in imperio hoc, & quaſi ſtatione orbis
Christiani tenet, ipſa etiam authoritate ſua effi-
ciat, prohibeatq; ne quid à quoquā ſuſcipiatur,
quo nam modò pax cum vicinis à multis ſecu-
lis culta violetur; verū ſalus etiam publica in
diſcrimen aliquod adducatur. Id etſi cum v-
niuerſę Christianitatis cōmodo maximē con-
iunctum erit; non minus tamen nos etiam plu-
rimū ſemper eo nomine debere nos Ill^{mæ}
Celsⁿⁱ V. ſtatuemus; cui omnia fauſta ac feli-
cia à Deo Opt. Max. precamur. Ad Varſaui-
am 26. Auguſti. Anno Dñi 1587.

IOANNIS ZAMOYSKI,
*R. P. Cancell. Exercit. Præfetti, ad sermum
Regem electum Sigismundum III. Epistola.*

Ser^{me} Rex Dñe clement^{me}.

Quanto omnium ferè ordinum atq; pro-
vinciarum consensu, delatum M^{ti} V. re-
gnum sit, cùm ex legatis, qui publicè ad M^{tem}
V. missi sunt, tùm ex meis atque aliorum lite-
ris, iam antè M^{tem} V. cognouisse non dubito:
quo in statu nunc res sint, hisce literis signifi-
candum M^{ti} V. existimaui. Quemadmodum
igitur prioribus literis meis M^{ti} V. ostendi, post
electionem peractam, nihil prius potiùsque
habui, quàm vt Varsovia Cracouiam rectà cū
iis copiis, quas tum mecum habebam, con-
tenderem; non modò quo Cracouiam ipsam,
vt quæ & domicilium ac sedes regni esset, &
in qua, cùm reges ipsi more instituto que ma-
iorum insignia regni accipere soleant, tum in-
signia ipsa ea deposita essent, in potestate ha-
berem; verùm etiam, vt si qua ab aduersa par-
te in finibus vis fieret, quàm maximè propin-
quo e loco opem reip. ferre possem. In itinere,
cūm

cum ex sermonibus hominum, qui omnium
ordinum me conuenerunt, tum literis atq; fa-
ma ipsa, summam omnium in M^{tem} V. volun-
tatem atque studium perspexi; ita, vt non mi-
norem absentium in probanda M^{is} V. creati-
one consensum, quam eorum, qui ipsi creati-
oni praesentes praefuissent, in imperio Mⁱ V.
deferendo promptitudo fuerit, perspiciam. I-
dem non minus Cracouiæ deinde animadu-
tere potui: ita enim omnes animatos reperi; vt
nihil in ea ciuitate M^{is} V. nomine augustius,
ipsaq; M^{te} V. expectatius sit. Praeter enim Pa-
latinum, reip. ac M^{is} V. studiosissimū, tum pre-
fectū, in cuius custodia atq; cura arx, atq; prae-
fidiū est, & cū quo, cū arētissima necessitudi-
ne coniunctus mihi sit, hoc tamē quasi sancti-
us quoddam necessitudinis vinculum mihi in-
tercedit, quod pari in M^{tem} V. fide atq; obser-
uantia sit; cū cleri etiā, cuius summa in ea ci-
uitate autoritas est, tū academiæ, & magistra-
tus, atq; populi vniuersi ea in M^{tem} V. obserua-
tia est, vt nulla maior esse possit. Iam verò, non
solū sua sponte in M^{tem} V. propensa ea ciuitas
est, verū a nobis etiam Mⁱ V. addictissimis te-
netur :

netur. eodem autem modo in finibus etiam
cura adhibetur; ut neque repentini periculi fa-
cile aliquid existere, & si quid existat, non dif-
ficulter propulsari id possit. Quæ, cum omnia
tanta sint, quanta M^{tas} V. ea esse facile æstima-
re potest, non debeo equidem vereri; ut pro-
pter nominationē fortē ser^mi Archiducis Ma-
ximiliani, ab alijs quibusdam paucis privato
consilio postea interpositam, ab adeundo re-
gno, vel absterreri se. M^{tas} V. vel in eo instituto
suo dubitationis aliquid obijci sibi patiatur.
Primum enim, quantum inter utriusque electi-
onis ius intersit, facile pro prudentia sua M^{tem}
V. perspicere non dubito. quod, cum omne
in consensu senatus atque nobilitatis positum
sit; non video, quid quisquā iuris vindicare si-
bi possit, cui, contra consensum potius omnium,
à paucis quibusdam, nomen regium impositiū
sit. Ita enim ser^{tas} sua electa est, ut, cum à non
multò pluribus quàm quinque, aut ad summū
septem senatoribus nominata esset; vix sexa-
ginta homines eorundem, partim consangui-
nei, partim familiares, consensum in nomina-
tionem eam præstarent; cæteri omnes, etiam

ex ijs, qui aliorum confiliorum illorum socij
ac participes fuerant; publicè ei contradice-
rent. Itaque, in tam amplo regno, quod nu-
mero ac multitudine nobilitatis nullo alio
Christianitatis regno inferius est, vix sexagin-
ta hominum solorum rex, ser^{tas} sua facta vide-
ri possit. Cum è contra M^{tas} V. primum maxi-
ma parte senatus assentiente, flagitante autem
reliqua nobilitate omni, prouincijs præterea,
ac ciuitatibus adiunctis, ab Archiepiscopo,
principè senatus, more, institutoque maiorum
renunciata sit. Quòd si fortè à nonnullis in-
ducta, à iure nihilominus ser^{tas} sua discedere,
aut ex ea nominatione iuris aliquid usurpare
vellèt; cum omnia tamè M^{tas} V. habeat, ser^{tem}
suam omnibus rebus destitui video. Primum
studijs hominum, quæ non modò in M^{tem} V.
propensa, verum à ser^{ti} sua auersa etiam atque
alienata sunt: firmitudine, deinde partium, vt
quæ à multitudine ipsa deferantur: ad extre-
mum etiam autoritate; cum omnes ferè se-
natores, omnes magistratus, ad M^{tis} V. autho-
ritatem se adiunxerint: ab illa parte, vnus E-
piscopus solus, non modo inter Episcopos lo-

cō infimus, sed idem non pleni etiā iuris: præ-
ter cum autem, vt nihil de aliis grauius dicam,
quod negari tamen non potest, primū pau-
cissimi, deinde exules etiam atque proscrip ti
sint. Accedit huc, vt omnia præterea præsidia,
omnes ciuitates, portus, prouinciæ totæ in M^{tis}
V. potestate sint: in M^{tis} enim V. potestate eas
esse statuo, cū in eorum potestate sunt, qui
M^{ti} V. fidem suam addixerunt; illi e contra
nullam urbem, nedum prouinciam yllam to-
tam, aut præsidium suæ potestatis habeant: ita,
vt M^{ti} V. omnia pateant: ser^{tas} sua nec vbi pe-
dem in regno ponere possit, habeat; satisque
prouisum sit, ne, vt maximè vi id occupare co-
naretur, sine maximo tamen molimento atq;
periculo, multo tempore conari id posset. Ha-
bet igitur M^{tas} V. primū animos atq; volun-
tates hominum, quæ non modò studio M^{tis} V.
sed etiam odio aliorum incensæ sunt. Quid e-
nim indignius videri hominibus possit, quàm
eum, qui in alio aliquo hæreditario regno pro-
ximus successor futurus fuisset, superiorumq;
regum optimè de regno vniuerso meritorum
memoriam proxima cognatione referat; cum

in libero hoc regno, in quo non successione,
sed suffragijs reges fiunt, omnium ferè consen-
su electus esset, ab extraneo, paucorū quorun-
dam conspiratione, contra omniū consensum,
regno priuari? habet deinde senatum, ac magi-
stratus, præsidia omnia, ciuitates, ac prouinci-
as totas, ad extremum coronam atq; insignia
ipsa regni. quæ, cum per se firmissima sint, mul-
tò tamen eadem firmiora erunt, si quamprimū
M^{tas} V. venerit, maximè autem, cum ad diem
quintam mēn. Octobris, nouus conuentus no-
bilitatis Visliciam indictus sit, si ante eum cō-
uentum M^{tas} V. in regno fuerit; si quid fortè
difficultatis in nonnullorum animis adhuc re-
spondeat, minimè dubitandum est, quin quam-
primū in regno M^{tem} V. esse, auditum fuerit,
sola fama aduentus sui, omne id explicatura
ac sublatura penitus sit. In id igitur vnum o-
mni studio incumbendum M^u V. est, vt cum
ad summam adeundi regni facilitatem nihil
omninò illi desit, ne ipsa sibi defuisse videatur:
eamque opinionem ad posteros de se transmit-
tat; tam nobile regnum, quod præsertim ma-
iorum ipsius fuerit, summo omnium ordinum

consensu sibi delatum, M^{tem} V. vel metu reli-
quisse, vel inertia perdidisse. quæ opinio, cum
semper M^{tem} V. vitanda esset, tum nunc multo
magis, quod post D^m Stephanum regem elec-
ta est, qui, cum neque regio genere natus es-
set, neque eas opes haberet, quas M^{ras} V. ha-
bet, ita autem in regem electus esset, ut primū
omnem fere senatum, deinde provincias, ac
ciuitates aliquas, ad extremum autem poten-
tissimum aduersariū, honori suo aduersum ha-
beret: iure tamen liberorum suffragiorum no-
bilitatis fretus, ea animi magnitudine fuit, ut
neque minis ab adeundo regno se absterri,
neq; vllis difficultatibus impediri, neq; quam-
uis ingentibus promissis tardari se passus fue-
rit. quod, ut apud omnes summæ laudi illi fuit,
ac perpetuū erit, ita, nisi in multo maioribus
opibus, maximo autem omnium consensu, ac
summa apprehendendi regni facultate, eandē
constantiam M^{ras} V. præstiterit, ne parum id
ad posteritatem etiam honorificum illi sit, eti-
am atque etiam videndum illi est. Verū plu-
ribus hortari eam non debeo; ne, vel de con-
stantia eius, vel de animi magnitudine dubita-

re videat. Itaque vnum hoc solum adiciamus
quod delatum M^o V. regnum sit, multi fortu-
nae tribuere poterunt: quod id retinuerit, ne-
mo nisi virtuti: retinendi autem eius, non solu
vna, verum facilima etiam ratio est, si quam-
primum M^{tas} V. venerit, omniaque in celeri-
tate posita habuerit, hac & suorum animos,
quorum maxima multitudo est, confirmabit;
& dubios facillime adiunget: & aduersariorum
cognitiones atque consilia, iam ante infirmis-
sima maxime debilitabit. Hac vna enim fere
sola spe, cum se adhuc sustentant, tum aliorum
animos tentant, quod M^{tas} V. aduentu in du-
bium apud aliquos vocent: quae dubitatio, cu
sublata fuerit, nihil omnino, in quo vel spei a-
liquid amplius ponant, vel quod moliantur,
illis relinquetur. Quod reliquum est, vt M^{tem}
V. quamprimum saluam atque florentem vi-
deam, ex animo a Deo precor. Gracouja die
10. Septemb. Anno Dñi M. D. Lxxxvij.

V. C. **AN-**

ANDREÆ COMITIS IN
Tenczyn, Palatini Cracouiē, Zatorien, & Ru-
bieſſouiē Capitanei. Joānis Zamoyski, Regni Po-
loniæ Cancell: & Exercitt: Præſecti, etc. Nicolai
Zebrydo-wſki, Genemlis Cracouiē & Boleſla-
uiē Capit. ad Episcopum Vratiſlauiē. Epistola.

Reuer^{me} Dñe, amice obſeruand^{me}.

CRacouiæ ita ſumus; nos quidem, Palati-
nus, & Capitaneus Cracouiēſes, tanquā
ordinarij magiſtratus loci huius: ego autem
Cancellarius & generalis exercituū regni præ-
ſectus, vt cui non modo pro præfectura ea re-
gni copiarum, finium cura incumbat, verum
cui peculialiter etiam publica authoritate ab
ordinibus mandatum ſit, vt finium ab hac par-
te curam haberem. quam, cur diligentio-
rem, hoc potiſſimum tempore, ſuſcipiendam ordi-
nes putarint, pluribus ſignificare neceſſe non
arbitramur; cum iam antè Reuerendiſſ. D. V^x
notum ſit, qua ratione ſer^{mo} Sueciæ Principe
Sigismundo, iam à ſenatu, atque nobilitate ele-
cto, pauci quidam ſer^{mum} etiam Archiducem
Maxi-

Maximilianum contra omnium consensum
triduo post, & intempesta iam nocte, renunci-
arint. Etsi autem ex huiusmodi nominatione
ser^{tem} suam pro prudentia sua nihil magnope-
re iuris sibi vindicaturam nobis persuadea-
mus; maioremque cum æquitatis tum coniū-
cti principis amicitia, pactorumque, quæ pri-
uatim etiam cum Jagellonica familia ser^{mæ} fa-
milie Austriacæ intercedunt; publicæ denique
pacis ac tranquillitatis, quam priuata potentie
suæ, ut maximè eam assequi posset, rationem
habituram; incitari tamen atque accendi ab
alijs ser^{tem} suam audimus. cuius rei fama addu-
cti, non modò pro cōmuni gentium iure, ve-
rùm mutua etiam, quæ cum regno Boëmiæ
nobis intercedit, vicinitatē, hæc ad Reue-
rendiss. D. V^{ram} literas dandas putauimus: qui-
bus necessitatem nobis impositam ostendere-
mus, si quid ab ea parte violenti tentaretur, si-
mili ratione in ipsorum fines progrediendi.
Hostilitatis autem loco nobis erit, si versus fi-
nes regni huius vel ser^{tem} suam, vel copias eius
mouisse audierimus. Cæteroquin studia offi-
ciæque nostra, Reuerendiss. D. V^{re} commen-
damus.

D

damus.

damus. Cracouia die 25. Mensis Septembris.
Anno Dal 1587.

IOANNIS ZAMOYSKI, R. P. C. AN-
cellary, & exercit. prefect. Ec. ad fortissim
principem, & anam, D. Maximilianum, Archi-
ducem Austriae, &c. Epistola.
Ser^{me} princeps, dñe clemen^{me}

Litteræ fer^{us} V^x, à propinquo meo genero-
so Dño Barli, recte mihi redditæ fuerunt.
Ex quibus, quod Ser^{us} V^x erga me benignum,
atq; propensum animum perspexi, gratissimū
mihi fuit; ea autem, quæ Varisavia in proxi-
mis comitijs gesta fuerunt, vellem aliter fer^{us}
V^x renunciata fuissent, quàm renunciata illi
esse, ex ijsdem literis animaduertere mihi visus
sum. Ad me quidem quod attinet, nihil sanè
omnibus ijs in rebus, vel priuatim à me, vel
proprii cōmodi causa factum fuit; aut adhuc
fit: sed quemadmodum aliàs semper, ita in hac
quoque electione, & consequentibus tempo-
ribus, si quid à me administratur, non modò
authoritate, verum iussu etiam ordinum regni
huius.

huius administratur: cum res facit vt ne nunc
quidem de repub, ad me ser^u V^r scribenti pri-
uatim mihi respondendum putem. Cum vero
indem de rebus ad diem V. proximi mensis
Octobris vniuersa nobilitatis conuentus sub
Vislicia futurus sit, ad literas quidem ipsius
plenius, re cum senatoribus communicata, ex
eiusdem conuentus sententia respondebo: e-
iusdem vero exitum, vt ser^u quoque V^a exspe-
ctet, neque interim aliquò longius progredi-
atur, cum prudentia eius dignissimum mihi fo-
re videtur, tum id, vt faciat, multis de causis
monere etiam atque hortari eam non dubito.
Dat. Cracouia die xxviiij. mensis Septembris.
Anno Domini 1587.

AD EUNDEM SERENISS.

*Archiducem Austriae, &c. ordinum
regni. epistola.*

Ser^{me} princeps, dñe obseruandiss.

SER^{um} Syeciae principem, Sigismundum,
Secti vnanimi omnium nostrum consensu
regem à nobis electum iam ante etiam ser^{cas}

D a

V. co-

V^a cognouerit: cum tamen deinceps per suos
quique palatinatus ita etiam conuenissemus,
vt in eandem electionem denuò consensum
summa omnium voluntate præstaremus; non
modò idem iterum ser^{ti} V^x nunciandum, verũ
in regnum etiam eum iam venisse, atque per
Prussiam aduentare significandum putauimus.
De ser^{tis} V^x nominatione, ab alijs quibusdam
deinde interposita, pluribus quidem nũc cum
ser^{te} V^a disputare nolumus: ipsam enim pro
prudencia sua, cum à quot, & à quibus, tum
quomodo nominata sit, æstimaturam nobis
persuademus: eò magis autem mirum no-
bis visum est, eò ser^{tem} V^{am} a paucissimis qui-
busdam impelli se passam esse; vt vi etiam re-
gnum ingredi conata sit. Nos quidem pro pri-
stina amicitia, quæ inter nos & vicinos ser^{mæ}
domus Austriacæ populos a multis sæculis
iam intercessit, adhuc hortari ser^{tem} V^{am} non
dubitamus; vt potius eam amicitiam, quam
ser^{tis} V^x maiores cum Regis nostri maioribus
Iagellonibus semper coluerunt, ipsa quoque
colere malit, quàm vt regnum alienum contra
omnium ferè eorum, qui conferre id debeant

volun-

voluntatem, certo periculo, incerto aut̃ euen-
tu adiungere conetur, persuaderi sibi patiatur.
Quod cum prudentia eius atque iustitia dig-
nissimum erit, cum vt nobis persuademus, non
modo ser^{ma} domus Austriacæ ditionibus, ve-
rùm vniuersæ Reip. Christianæ vtillius. Quid
enim iure gentium ipso, si ser^{tas} V^a ulterius pro-
grediatur, suscipiendum nobis sit, ser^{tas} V^a vi-
der, maiorum nimirum nostrorum exemplo
atque instituto, non modo de propulsandis in-
iurijs, verùm ijsdem referendis cogitandum
nobis esse. Pluribus cum ser^{te} V^a legati nostri
mag^{us} & generosi Ioannes Tarlo de Sczekarzo-
vice, Palatinus Lublineñ. Stanislaus Bykow-
ski, Castellanus Konariensis, Georgius Rado-
fowski, Succamerarius Velunensis, Stanislaus
Rozen de Roznów, Adamus Gorayski de Go-
ray agent: quibus, vt plenam fidem ser^{tas} V^a ad-
hibeat, rogamus. Quod reliquum est, studia,
ac paratissimam voluntatem nostram ser^{ti} V^a
deferimus. Sub Vislicia, in conuentu genera-
li, die viij mensis Octobris, Anno Dñi 1687.

SERENISSIMI PRINCIPIS ET

Dñi, D. Archiduci Maximiliani responsum,
Mag^o Dño Ioanni Tarlo, Palatino Lublinen.
datum.

Serenissimus Princeps ac Dominus, Dñus
Maximilianus, electus Poloniae Rex, Ma-
gnus Dux Lithuaniae, Archidux Austriae, &c.
ni Quae interuenerint atque impediuerint,
quo minus Sacra Regia M^{as}, &c. Dñus Dñus
noster clementissimus, dños oratores eorum,
qui electioni suae legitime factae aduersantur,
audiuerit, ac deinde auditos expedierit, Mag^{us}
dñus Palatinus Lublinen^{sis}, ex consiliarijs eius
M^{is} intelligere potuit. Nunc uero, cū M^{as} sua
dat operam, ut audita eorum legatione, & pro-
bè intellecta, responsum eis dare uelit, tamen
eum tota haec res eius momenti sit certis de
causis, ut longiorem deliberationem cum se-
natoribus & alijs nobilibus Polonis & Lithua-
nis, qui penes eius M^{em} sunt, desiderare videa-
tur, quae tamen non est diuturna futura, Regia
M^{as} hoc responsum & dictorum D. Oratorum
expeditionem in aliquot dies reservat: benit-

gnē

gnē postulans, ut non longi temporis morā
æquo animo ferre velint.

Quum autem acceperit dictum M.D. Pa-
latinum Lubliniē. & ætate senili, & morbo
infestari, quem etiam hæc tempestas & diuer-
soriorum incōmoda augere possunt: quod qui-
dem omnibus cum D. Palatino cōmune hoc
tempore est; pro sua innata benignitate per-
misit, ut dictus D. Palatinus cum filiolo suo in
vrbem ad suos redeat, ut valetudinem suam
rectius curare possit, quam ei ex animi senten-
tia succedere M^{as} sua oporat. Postulat aut M^{as}
sua perbenignē, ut dictus D. Palatinus, quum
ad suos reuersus fuerit, pro suo in charissimam
suam patriam amore, & christiana pietate, ac
tranquillitatis publicæ studio, diligētem ope-
ram dare velit, ne ij, qui suæ M^{as} electioni ad-
uersantur, tam immanē ac hostiliter in miseros
regnicolas sæuiant, neue villas, prædia, atque
ædificia, incēdijs ac direptionibus vastent, sed
christianos se esse meminerint. M^{as} certē sua
eui publica pax, & salus huius Reipub. anti-
quissima est, nunquam permissura est, ut a suis
hominibus talia publice aut priuatim damna
inferantur.

Deinde etiam D. Palatinus id efficiat, ne
internuncij & literæ, atque homines suæ M^{ris}
intercipiantur, ac duriter posthac tractentur,
vt hætenus sæpè factum est, & in dies fieri so-
let: ne & sua M^{as} tandem par pari referre co-
gatur, quod tamen, quæ eius pietas est, libenter
vitaret. Atque tales quidem interceptiones,
non leuem causam præbuerunt eius M^{ri}, hos
quoque Oratores diutius detinendi. Quod si
autem otyus M^{ris} eius internuncij restituen-
tur, causa M^{ri} quoque suæ adferetur, vt eò ci-
tius hi Dñi oratores cum suo responso dimit-
tantur. Hæc sunt, quæ breuiter Dño Pala-
tino respondenda videntur: reliqua collegis
eius suo tempore significabuntur. Cæterum
sua M^{as} D. Palatino beneuolentiam & grati-
am suam ad gratifican. promptam benignè ac
prolixè defert. Ex prædio Rakowicza xvij. die
Octobris. Anno Dñi 1587.

AD SUPERIVS SCRIPTVM,

ordinum regni responsum.

Serenissime Princeps.

Scriptum mag^{co} dño Palatino Lublineñ.
Slegato nostro, sub nomine & signo scr^{tis}

V* traditum, ab ipso dñō Palatino publicè
nobis propositum vidimus. In quò id primum
alienum nobis visum est, quòd causa interpo-
sita vltioris deliberationis, cū ipsum dñum
Palatinum cum collegis suis diutius hætenus
à se retentum, tum reliquos legatos adhuc re-
tineri ostendat. ea enim num satis iusta causa
sit, in tantis cum aëris, tum alijs incommodis,
quæ ab hominibus ea & ætate, & dignitate
perferenda eo loco fuerūt: deinde verò, quòd
maximum est, cōtra voluntatem eorum lega-
tos retinendi ser^{tem} V. ipsam æstimare, quam
nos ipsos definire maluimus. Non fugere enim
ser^{tem} Vam potest, id apud omnes gentes ius
legatorum esse, vt non modò ipsi nulla re vi-
olari, sed ne libertas quidem eorum imminui
debeat; siquæ ita illis videatur, vt etiam sine
responso ad suos se recipere velint; cum alijs
commercijs omnibus sublati, cum legatis ta-
men liberum commercium relinquatur, ea-
dem libertate, qua venerint, etiam in bello,
& ab hostibus, quominus id suo commodo
facere possint, sine publici iuris imminutione,
impediri non possint. Accedit hac, vt, et si ma-

ximè diem ad deliberandum sumendam sibi
fer^{tas} V. existimâset; tamen vel eos ipsos lega-
tos ad diem ad se redire iubere potuisset; vel
per suos deinde legatos responsum nobis dare:
quos certè, quotiescunque fer^{tas} V. ad nos mit-
tendos existimârit, non modò nulla illis iniu-
ria à nobis inferetur; verùm, nullum etiam hu-
manitatis officium, quod iure publico legatis
præstari debeat, deerit; quò minus certe suo
commodo, atque arbitrato, cùm ad nos ve-
nire, tùm ad fer^{tem} V. tutò atque securè reci-
pere se possint, per nos nihil fiet Verùm fer^{tem}
V. ipsam facile intelligere existimamus, qui
deliberet aliqua de re, illum omnia integra si-
bi seruare; quòd totum secus à fer^{te} V. fit. Cùm
enim hæc summa legationis illorū fuerit, ne
contra ordinum omnium voluntatem fines
regni fer^{tas} V. ingrederetur; non modò arma-
ta fines iam ingressa fer^{tas} V. est; verum tot iam
dies in conspectu nostro, atq; orbis huius ho-
stilem in modum castra posuit. Qua de re, cùm
eo ipso scripto fer^{tas} V. causam eius nobis præ-
beat, locus nobis videtur cū fer^{te} V. querendi.
Neque tamen de iure nominationis ipsius, plu-
ribus

ribus iam agemus ; quod & antè aliquoties
publicè iam id fecimus , & deinceps fortassis
etiam pluribus faciemus. Hoc solum , quod
ser^{tem} V. ipsam minimè præterit, nūc dicemus:
nulli dubium esse, quin, cum omne regni ius, in
eorum, qui regnum conferant, consensu at-
que voluntate positum sit; eum, qui non mo-
dò maximæ partis, verum omnium ferè con-
sensu destituatur, nihil iuris vsurpare sibi pos-
se. A qua parte consensus ordinum, atque o-
mnis ferè nobilitatis regni huius stet, et si ser^{tas}
V. vel ex eorum ipsorum, qui ser^{tem} V^{am} no-
minârunt : qui iidem & legatos se creârunt :
& legati ad regnum accipiendum eam inui-
târunt : qui ad fines gratulandi causa obui-
am illi processerint : omnium denique qui cir-
ca eam sunt, cum paucitate, tum genere ipso
hominum æstimare possit; tamèn satis etiam
in omnibus ferè conuentibus Palatinatum
nobilitatis, & proximo Vislicien. declaratū est:
tum nuperrimè etiam internuncius ser^{tis} V.
Mag^{cus} Felicianus, Baro ab Herberstein, frè-
quentissimo in conuentu nostro, ex omnium
nostrum studiis ac voluntate perspicere potu-

it. De ea igitur re, cū minimè dubium ser^{ti}
V. esse pōtuerit; tamen ne id quidem fecit,
quod etiam dubia in re homines non inconfi-
derati facere solent; vt totam causam integrā
sibi seruaret: ac non modò fines ipsos, cōtra an-
tiquissima fœdera, quæ cum ser^{ina} domo Au-
striaca, regno huic intercedunt, inuitis nobis
armata ingressa est; verū, qua iter fecit, iure-
iurando, etiam per vim, homines sibi obstrin-
xit; quod ne ab iis quidem, qui omnium con-
sensu legitimè electi sunt, antequam insignia
regni acceperint, more maiorum fieri solet: ar-
ma denique, atque castra, in conspectum no-
strum protulit. Hæc omnia, non tam ser^{tis} V.
consilio, de cuius prudentiā atq; virtute opti-
mè sentimus; quā aliorū instinctu fieri facilè
intelligimus. Est tamen nonnulla eius rei cau-
sa penès ser^{tem} etiam V^{am}; quòd aliorum perni-
ciosis consiliis obsequatur. Verū, vt ad lega-
tos, de quibus maximè hoc tempore agendū
nobis intelligimus, redeamus; deliberationem
ser^{tis} V. minimè satis iustā causam; contra vo-
luntatem eorum legatos retinendi esse, ser^{tem}
V^{am} ipsam satis perspicere nobis persuademus.
quam

quam autem præterea etiam eius rei causam
significat, quod in eodem genere nonnulli à
nobis etiam ser^{is} V. internuntij atque literæ
interceptæ sint; eam nullam à nobis præbitā
esse, nos ipsi optimi testes nobis esse possumus,
Ad exploratores enim, & literas, quod attinet,
cū huiusmodi tempore, omnia, quæ ad rem-
pub. pertineant, providenda nobis sint; eorū
nonnullos à nobis excussos esse, & adhuc ob-
seruari, non possumus diffiteri. Verum, præ-
terquam quod id publico gentium iure, a no-
bis institutum sit, quo periculosis reipub. tem-
poribus, omnes operam pro se dant, ut & ad-
uersariorum consilia contra remp. cognoscāt,
& ne sua ab illis cognita detrimenti aliquid
reip. afferre possint; vel ipsius etiam aduersæ
partis exemplo à nobis sit; quæ non modò
priuatorum tabellarios, atque literas, quoties-
cunque eius rei facultas data illi fuit, sed ipsius
regis nostri electi, ser^{mi} Sigismundi III. detine-
re atque excutere non dubitavit. Qui autem
iure legatorum ad nos, vel quempiam nostrū,
à ser^e V. missus fuerit: qui scilicet vel transitū
petierit: vel literas, quibus mandata à ser^e V. se

habere ostenderet, protulerit: publicè denique
pro internuncio eius se gesserit; eorū nullum à
nobis aliter tractatum, quàm ius legationis
postulet, constanter confirmare possumus.
quod vel in proximo internūcio eius, domino
Herbersteinio, satis apparuit. qui, cū iam hu-
manissime dimissus esset, incidissemus autem
sub idem tempus in literas quorundam, qui-
bus auctores ser^{ti} V. erant, vt nostros legatos
apud seretineret, per vnum quidem atque al-
terum diem, verū sine vlla iniuria retentus à
nobis fuit. Etsi autē id legatis nostris iam eue-
nisse, quod euenit, cū ex re ipsa, tum vel ex li-
teris legatorum nostrorū, pro certo iam habe-
remus; freti tamen fide atq; constantia ipsius,
sola sponfione ab eo accepta, qua, vel vt legati
dimitterentur se effecturum, vel iterum apud
nos sese staturum promitteret, sine vlla iniu-
ria atque molestia illum dimisimus. Ita q; non
modò nunc, quod ser^{tas} V. significare videtur,
quantū nos sciamus, nullus internucius ipsius
à nobis detinetur: verū antè etiam nullus
vlla vnquam iniuria violatus à nobis fuit.
Quare primū, ne contra omnium populorū

morem atq; instituta, diutius legatos nostros
fer^{tas} V. retineat, iterum quam diligentissime à
fer^{te} V. petere non dubitamus; neque id no-
stra magis, vel ipsorum legatorum, quam fer^{tas}
V. ipsius dignitatis causa. Eo loco fer^{tas} V. na-
ta est, vt nihil tam augusta familia indignum
sua sponte admissuram eam statuamus: verum
tamen, vt de existimatione atq; dignitate sua
suo potius quam alieno iudicio vtatur, roga-
mus. Deinde, etsi tot rebus iam, quot fer^{tas} V.
intelligit, pristina amicitia, quæ inter nos ac
vicinos fer^{ma} domus Austriacæ populos à mul-
tis annis fuit, læsa sit; pro eadem tamen amici-
tia, vt, quod aliorum, vt nos arbitramur, instin-
ctu commissum hætenus est, corrigere fer^{tas}
V. quam exulcerare malit, eam hortamur. Id
ita faciet, si quamprimum extra fines regni hu-
ius se receperit, Nam vt ad id, quod reliquum
in scripto eo est, quo postulat fer^{tas} V. ne vil-
las atque ædificia incendiis, ac direptionibus
deinceps vastemus, nunc respondeamus; fa-
cile fer^{tas} V. statuere secum potest, nō tam ini-
mico in nostros, nosque ipsos, animo nos esse,
vt quasi ipsi manum nobis inferre, ac nostra
sponte

sponte scire in nos velimus; eosdem tamen
nos ita etiam statuere existimabit, vt omnia
damna, præ seruitute, leuia ducamus. Itaq; de-
trimentorum quidem eorum omnium, non
nos quidem, sed ij, qui defendendæ libertatis
nostræ necessitatem nobis afferunt, causam
sustinebunt: nos tamen ita animatos ser^{ras} V.
omninò sibi persuadebit; vt non modò posses-
siones, fortunaque omnes nostras, sed vitam
ipsam pro libertate, ac fide ea, quam semel
ser^{mo} regi electo nostro addiximus, in discrimē
adducere non dubitaturi simus. Quo magis, vt
non modò, quid regno huic, verum sibi ipsi e-
tiā, tum vicinis ser^{mæ} domus Austriacæ ditio-
nibus, ad extremum vniuersæ reip. Christianæ
expediat, diligentius secum cogitet, iterum at-
que iterum eam hortamur. Cæteroquin ob-
seruantiam ac studiū, vt erga vniuersam ser^{mam}
domum Austriacam, ita ser^{tem} V. omnibus re-
bus illi demonstrare parati. cui prosperam va-
letudinem à Deo Opt: Max: precamur.

Maiores fidei causa, nos infra scripti deputa-
ti ex eorundem ordinum authoritate subscri-
psimus, signaque nostra apposuimus.

Dar:
Cra-

Cracouiæ, die 20. mēsi Octob: Anno Do-
mini, M. D. Lxxxvij,

SERENISS. PRINCIPIS ET D. D.
*Maximiliani, dei gratia Archiducis Austria, &c.
ad ordines regni epistola.*

R^{mis}, Ill^{bus}, Spectabilibus, Magnificis, Genero-
sis, Nobilibus, syncerè nobis dilectis N. iis
omnibus, qui ex statibus & ordinibus in-
clyti nostri regni Poloniæ in vrbe Craco-
uicē. congregati sunt.

MAXIMILIANVS, Dei Gratia Electus
Rex Poloniæ, Magnus Dux Lithuania,
Archidux Austria. &c.

Reuert^{mi} illus. spectabiles, magnifici, gene-
rosi, nobiles, sincere nobis dilecti, salu-
tē & beneuolentiæ nostræ affectū. Sicuti pri-
die D. Palatinum Lublineñ. cum responso no-
stro, ad vestra postulata saluum ad vos remisi-
mus; ita etiam cum his nostris reliqui eius col-
legæ

legæ, viri ornatiſſimi ad vos venient. Ex quibus quidem, quo animo erga hoc inclytum regnum affecti ſumus, intelligere poteritis. Cæterum, quoniã nos nuper ex relatione oratoris noſtri Feliciam Baronis in Herberſtein percēpimus, S. Vras in cōgregatione illa veſtra, ad quam per vos vocatus fuit, conqueſtos eſſe, quòd nos contra compactata regnorum Polonia & Boëmiae, huc armata manu, ea intentione veniremus, vt regnum violenter occupemus, ac libertates veſtras, & aliorum regnicolarum infringamus, ſupprimamurq; ; & idcirco S^{tes} Vras petuiſſe, vt tale noſtrum propoſitum ex mala informatione manans, in melius cōmutare, ſanioraq; conſilia amplecti, ac ad regni cōfinia reuerti velimus : ea ſanè res præter omnem expectationem nobis accidit. Nam planè nobis perſuademus, pleriq; ex vobis ſatis ſuperque conſtare, nihil alienius ab inclyta noſtra domo Austriae, nobiſq; eius confortibus omnibus eſſe, quàm aliena & ad nos nullo iure pertinentia vllò modo inuadere, ſed potius aliis, quibus in eiufmodi aliquando iniuria facta fuit, omni noſtra poſſibili opera, & adiu-

adiutorio succurrere. Proud specialiter nos;
DEVM Opt: Max: testem vocamus, quòd po-
tius huius vestri amplissimi regni tranquilli-
tatem, quietem, incolumitatem, salutem, & in-
primis libertatis vestræ conseruationem, ac fi-
dem tutelam, quam vel minimam eius læsio-
nē, imminutionem, seu infrinctionem, ex ani-
mo optemus; & ita quidem, vt pro ea ac com-
muni vestra prosperitate, vitam ac sanguinem
ipsum, profundere semper quàm paratissimi
futuri simus, nedum contrarium, vt præfertur,
in animo habeamus. Et propterea S. V. om-
ni studio quàm enixissime hortamur ac re-
quirimus, vt aliud de nobis à nemine sibi per-
suaderi sinant, sed de hac nostra assertionē ac
declarationē, plusquàm certissimæ esse, ac
absque omni hæsitatione planè sibi de nobis
polliceri velint, nobis ipsarum & totius regni
salutem, felicitatemquē perinde semper ac vi-
tam nostram propriam commendatam futu-
ram, nosq; adeò libertates, immunitates, præ-
rogatiuas, iura, decreta, constitutiones, sancti-
ones, ac consuetudines vestras omnes ac sin-
gulas, perpetuò, quàm firmissimè, non solum

ipſos obſeruatuſ, ſed etiam apud alios earū
manutentionem fideliter procuratuſ; & vt
ſummatim dicamus, totum noſtrum regimen
ita inſtitutuſ eſſe, vt omnibus præſentibus,
ac poſteris, liquidò appareat, nos nihil proprii,
ſed rem ac vtilitatem ſaltem veſtram, & totius
regni agere ac quærere. Prout parati ſumus de
eo S. V^{ris} omni meliori modo ac forma ſuffi-
cienter cauere. Et ſi de eo per aliquot ſuos le-
gatos vltèrius nobiſcum aliquid tractare vo-
luerint, gratiſſimi ij nobiſ erunt. Et cum haud
grauatim cum iis de omnibus rebus vel per-
ſonaliter, vel per aliquot noſtros conſiliarios
conferemus, tum vobis hiſce noſtris ſancitè re-
cipimus, ipſos ad eò liberòs, tutoſ, ac ſaluos fu-
tuſ, vt ſinguliſ horiſ, quandocūq; illiſ libue-
rit, ad voſ ac noſ redire, & iterum reuerti pote-
runt, ſine omni fraude & dolo. Et hæc ſunt,
quæ S. V. ad relationem dicti Baroniſ ab Her-
berſtein, amanter replicare voluimus. Et ſicuti
vobiſ omnibuſ ac ſinguliſ gratia noſtra opti-
mè propenſi ſumus, ita etiam S. V^{ras} benè fe-
liciterque valere optamus. Prout etiam ipſum
Baronem de Herberſtein hac de re ad voſ re-
mitte-

mittere volumus, cui in iis, quæ vobis orete-
nus exponet, S. V. omnimodam fidem secure
habere poterunt. Ex prædio Rakowiczá vige-
sima die Octobris, Anno Domini, Octuage-
simo septimo.

ORDINVM REGNI AD

eundem sereniss. Archiducem epistola.

Ser^{me} princeps, dñe obseruand^{me}.

Mittimus ad ser^{tem} Vm legatos nostros
mag^{cos} & generosos dominos, Ioannem
Myskowski, Castellatum Zarnouienssem, Chri-
stophorum Milenski, dapiferum Galissienssem,
Adamum Gorayski seniore, Ioannem Lip-
ski, qui omnibus de rebus sententiam nostrā,
cū coram ser^{ti} V. exponent, tū legationē
suā scriptā illi tradent. Is igitur, ut plenā
fidem ser^{tas} V. adhibeat, rogamus, ad eorū-
demque legationem ipsa etiam scripto & di-
rectē quamprimū nobis respondeat. cæte-
roquin obseruantiam, paratissimāque studia
nostra ser^{ti} V. deferimus, optimāque valeru-
dinem à Deo Opt. Max. illi precamur.

Maiores fidei causa nos infra scripti deputati ex omnium ordinum authoritate subscripsimus, signaque nostra apposuimus. Dat: Cracouia, die 23. mens: Octobris. Anno Domini, M. D. Lxxxvij.

EORVNDem ORDINVM REGNI

Cracouia congregatorum prescriptum legationis, magis et generosis dñis, Ioanni Misko-wski Castellanano Zarnouicensi, Christophoro Milenski dapifero Calissiensis, Adamo Gorayski seniori, Ioanni Lipski, ad sereniss. Archiducem Maximilianum. Dat: Cracouia, die xxij. mens: Octobris. Anno Domini, M. D. Lxxxvij.

Legati nostri quamprimum ad sereniss. Archiducem Maximilianum peruenerint, facultate sereniss. adeundæ quamprimum postulata, inprimis obseruantiam, studiaque nostra sereniss. deferent; deinde in hanc sententiam legatione suâ exponet.

SERENISS. princeps, dñe clementiss. Ad responsum, cum quo magis dñm Palatinum Lublineñ ad ordines sereniss. V. remisit, peculiari scripto.

pto.

pro hoc, quod ser^{us} V. tradidimus, ser^{us} V. ordi-
nes respondent. Ex his autē litteris, quas mag^{us}
dñus Felicianus Baro ab Herberstein a ser^{us} V.
illis reddidit, recte id ab illis ser^{us} V. eum renun-
ciasse perspexerunt, quod de aduentum regnū
hoc ser^{us} V. questi cū illo fuerint. Per se enim,
ne quid earum rerum, quæ hic actæ essent,
ser^{us} V. fugeret, minime sterisse putant; dili-
genterque curatum a se esse, vt omnibus de
rebus accurate ser^{us} V. edocceretur. Nam &
ab initio, legati, cum ser^{us} V. tum vniuersæ
ser^{ma} domus Austriacæ, & postea sac. Cæs. M^{tas}
ipsa legatis Varisauia ab illis missis, Episcopus
autem Vratislauiensis, tanquam & Capitane-
us Silesiæ, & communium pactorum custos,
cum e minoribus nonnullis nobilitatis con-
uentibus, tum à præcipuis aliquot regni huius
magistratibus, ad extremum e proximo con-
uentu Vislicienſe generali, ser^{us} V. ipsa, de ser^{mi}
regis nostri Sigismundi tertij electione, om-
niumq; ordinum voluntate, diligenter certior
facta fuit. Tam testata tamen eorum declara-
tione postposita, & nominationem eam ser^{us}
V. accepit, quæ à paucissimis quibusdam ter-

tio demum die post, contra morem maiorum
interposita fuit: & in regnum ita deinde venit,
vt, neque præmitteret suorum aliquem homi-
nem grauem, qui, quo in statu res essent, co-
gnosceret; & arma atque signa in conspectu
nostro explicaret. Quod, cum contra antiquis-
sima foedera, quæ regno huic cū vicinis ser^{ma}
domus Austriacæ ditionibus intercedunt, &
libertatem nostram, à ser^{te} V. susceptum si-
questi sane non mediocriter ea de re ordines
fuerunt: non minus autem de eo, quod om-
nino ius aliquod ex huiusmodi nominatione
ser^{tas} V. usurparet. Iam quo in statu res sint,
ser^{tas} V. videt: ser^{mus} princeps Sueciæ Sigismun-
dus, vnanimi omnium ordinum consensu, rex
electus, in regno iam est: à regno atq; iure suo,
neq; ille sine ordinum consensu recedere po-
test: neque ordines regem eum, qui contra le-
gitima sua suffragia voluntatemq; in regnū
venerit, nisi conuulsis è fundamento iuribus, li-
bertateq; sua recipere possunt: mori prius &
possunt, & si ita sors ferat, parati sunt. Quæ
autem magnitudo animi ser^{morum} principum
Austriacorum est, ne eos ipsos quidem, vt ma-
ximè.

ximè consequi id possint, vi occupare regnum
hoc velle, sibi persuadent. Hæc autem, cum
ita sint, vt vlla huiusmodi ratio, qua ser^{tas} V. in
regno maneat, reperiri possit, neque ordines
vident; neque verò etiam, vt ser^{tas} V. de ea co-
gitet, censent. Vt autem quamprimùm ser^{tas}
V. extra fines rursum se recipiat, cum multis
aliis de causis eam hortantur, tum quòd tan-
quam ad commune incendium restringendū,
vndique iam concurritur: & vt aliunde non
conueniretur, tamen cum in hac rerum incer-
titudine omnia suspecta sint, & quisque pro se
rerum suarum satagat, quam multa euenire,
possint, ser^{tas} V. videt. Si quid deinceps verò,
cum ex regno excesserit, tractare secum ser^{tas}
V. voluerit, quæ alijs omnibus exteris patet,
eadem ser^{tis} quoque V. legatis humanitas or-
dinum patebit, vt & libenter ab illis audian-
tur, & responsum publicè ex omnium ordinū
sententiis illis detur. Interim verò, si, quod ser^{tem}
V. iterum atque iterum hortantur, pacate re-
cipere se voluerit, vt ser^{tas} V. sine maleficio di-
scessuram se illis caueat, à ser^{te} V. postulant,
pacemque publicam in omnibus finibus vici-

G

narum

narum ser^{ma} domus Austriacæ ditionum, quæ
ad regni huius fines pertinent, publicandam
curet; quod ipsi vicissim a sua parte præstitu-
ros se recipiunt.

Quæ, cum dixerint, eandem hanc legatio-
nem suam scriptam etiam ser^{ma} suæ tradent, ut
que ab eadem, cum scripto itidem responso,
quàmprimû ad nos remittantur, postulabunt.

FRIDERICIA ZIEROTHIN
Baronis, ad ordines regni epistola.

Reuerendissimis, Illustribus, Magnificis, No-
bilibus, Generosis, Prudentibus, N. N. Or-
dinibus, & Statibus regni Poloniæ, nunc
Cracouiæ congregatis, Dominis & ami-
cis honorandis.

Reueren^{ti}, Illus. Mag^{ci}, Nobiles,
Generosi dñi, & amici honorandi:
salutem, & obsequiorum nostro-
rum commendationem.

Serenissimus rex dominus noster clemen-
tissimus, ad legationem reuer^{ent}um, magnum
nobi-

nobilium, & gñros D. V^{rum}, vt se facturū re-
cepit, respōdere constituit, per illū, & Mag^{os}
D. D^{nos} Ladislaum Poppel Baronem a Lob-
kowitz, Dñum in Zbirów, supremum came-
rarium, Daniele Princz Sac. Cæs. M^{us}, ac su-
os consiliarios, Franciscum Masłowski, Terræ
Yclunę, notarium, ac Casparum Kempin-
ski, dapiferorum suorum præfectum; id autē,
vt quamprimum fieri possit, necessarium fore
videtur, vt quemadmodum D. V. saluus con-
ductus antea hinc missus fuit, ita eedem quoq;
prædictis dñis in eandem formam conceptū
huc mittendum curent. Quod simul ac factū
fuerit, regia M^{tas} dictos dños oratores suos
isthuc missura est. Quod reliquum est, nos,
officiaque nostra D. V. deferimus, & easdem
feliciter valere cupimus. Ex Monasterio Mo-
gilano xxv. Octobris, Anno Dñi 1587.

Fridericus a Zierothin Baro, Dñus in Selo-
wicz & Pausdrzany, Sac^x Cæs^x M^{tis} a consilijs
bellicis, equitū cataphractorum summus præ-
fectus, nec non suæ regię M^{tis} intimus consi-
liarius, & eiusdē curię magister supremus. &c.

AD EPISTOLAM SUPERIOREM,
*ordinum regni responsum, ad sereniss. Archidu-
cem Maximilianum missum.*

Ser^{me} princeps, dñe obseruand^{me}.

R Eddita nobis literæ sunt consiliarij ser^{ua}
V^a, mag^{ci}, & generosi Friderici à Ziero-
thin Baronis: quibus, vt fide publica legatis,
quos ser^{tas} V^a ad nos missura sit, caueamus, à
nobis postulat. Mittimus ser^{ti} V^a literas in eos,
quos ex externis, consiliarijs nimirum ser^{tis} V^a,
dñus Zierothinus à ser^{te} V^a ad nos venturos
nobis significat: qui fide publica liberè atque
sine vlla molestia ad nos veniēt, & à nobis re-
dibūt. In Polonos, quos dñs Zierothinus nomi-
nat, propterea literas nullas ser^{ti} V^a mittere
possumus, quòd constitutione vniuersæ nobi-
litis, quæ vt antea Andreiouiæ, ita proxime
sub Vislicia sancita est, donec resp. amplius de
illis statuatur, omne cōmercium cum illis subla-
tum sit. Quod pro prudentia & humanitate
sua in optimam partem ser^{tem} V^{am} accepturam
confidimus, cui cæteroquin studia officiâque
nostra paratissimo animo deferimus, opti-
mam-

namque valetudinem precamur. Craco-
uia die xxvj. men. Octobris. Anno Domini
M. D. Lxxxvij.

FRIDERICI A ZIEROTHIN,

ad ordines regni altera epistola.

Rndiff. Illustres, Magnifici, Nobiles,
& Generosi dñi amici honorandi:
salutem, & officiorum nostrorum
commendationem.

EX literis D^{num} Vrum ad regiam M^{tem}, &c.
dñum nostrū clementissimum, & ex sal-
uo conductu intelleximus, eas, non in ea ver-
ba, neque ijs cautionibus adhibitis, quæ his
temporibus necessariae videntur, & in eo fidei
publicæ scripto insertæ sunt, quas sua M^{tas} Do-
minis oratoribus D. Vrum nuper dedit: dictum
saluum conductum perscriptum esse. Deinde,
quod maius etiam est, quum regia M^{tas} nullo
delectu habito, eos admiserit, & benigne au-
diuerit, quos D. V^{re} huc ablegarunt: D. V^{re} ta-
men M^{ti} eius præscribere voluisse videntur, vt
non ex suo sed ipsarū arbitrato legatos isthuc

mitteret. Quare omiffa nunc illa caufa, quam
adferūt impedimento effe, quominus quofdā
ex Polonis, quos eius M^{tas} nominavit, admittere
possint; homines alioquin omni honore di-
gniffimos; D. V. iterum amice hortamur, &
petimus; vt saluum conductum, in hanc quam
mittimus formam, qui datus fuit dñis orato-
ribus vestris, conscriptū pro iisdem, qui in pri-
oribus literis à nobis nominati sunt, quāpti-
mū mittere velint; vt eò citius mentem regiae
M^{tis} ad nuperam legationem suam intelligere
possint. D. V. feliciter valere optamus.

Mogilæ vigesima sexta die mensis Octob.
Anno Domini 1587.

EPISTOLA ORDINVM REGNI

*ad sereniss. Archiducem Maximilianum: qua
precedenti epistolæ respondetur.*

Ser^{me} princeps, dñe obseruand^{me}.

EX literis Ill^{ris} & mag^{ci} dñi Friderici à Zie-
rothin Baronis, non satisfecisse ser^u V.
perspeximus saluum conductum eum, qui
in legatos, quos ad nos missuram se osten-
dit.

ditioni a nobis fer^{re} V. transmissus fuit. Maxime quidem id requirere fer^{re} V. animaduertimus, quod Polonos, qui circa fer^{re} V. sint, excludamus, in quo non tam fer^{re} V. a nobis praescribitur, quam vniuersae nobilitatis decreto, quantum ea in re a nobis fieri possit & debeat, nobis ipsis praescriptum est. Ita quae, ne fer^{re} V. in aliam partem id accipiat, ampliusue id a nobis contendat, quod in nostra ipsorum potestate non est, iterum a fer^{re} V. petimus. Aliis rebus ita cautum legatis, quos praeter Polonos missura ad nos fer^{re} V. est, existimamus, ut nihil in eo genere amplius desiderari a nobis posse statuamus, nisi forte familiae legatorum, & comoratorum eorum, diserta mentio a nobis requiratur, quorum altera sub ipsorum legatorum nomine satis comprehendi, altera non necessaria nobis videbatur. Cum enim tempora haec nullam moram ferre videamus, quantum in nobis erit, quamprimum legationem suam exposuerint, ut sine mora ad fer^{re} V. eos remittamus, operam dabimus. Quod si tamen hac quoque in re amplius a nobis cauere illis debet, vel harum literarum auctoritate praestare

stare id non dubitamus: vt quos præter Polo-
nos, legatos suos mittendos ad nos, scri^{tas} V.
duxerit; cos omnes, & singulos, cum familia-
ribus suis, tutè ac securè sine omni periculo ad
nos venturos, & donec à nobis dimissi fuerint,
commoratu^{ros}; inde autem sine vlla iniuria
suo commodò atque arbitrato, cum omni co-
mitatu suo, ad scri^{tem} Vam saluos, & incolumes
se recepturos, sanctè, & firmiter, sub fide, & ho-
nore nostro promittamus, caueamusq; , què-
admodum vi præsentium cauemus, spòdemus-
que. Scri^{pti} cæteroquin V. obseruantiam, studi-
umq; nostrum, paratissimo animo deferimus,
optimamque valetudinem, à Deo Opt: Maxi-
precamur. In superiorum autem omnium
fidem, qui à nobis eam ad rem deputati fue-
runt, hisce manibus suis subscripserunt, si-
gnaque sua apposuerunt. Dat: Cracouiæ,
die xxvij. Meñ. Octobris. Anno Dñi, M. D.
Lxxxvij.

ORDINVM REGNI CRAÇ.

congregatorum, ad conuentum ordinum regni Un-
garie. Possoniensem epistola.

Reue-

Reuer^{mi}, illrēs, mag^l, generosi, & nobiles dñi, amici obseruand^{mi}.

Quemadmodum contra publicum regni huius ius, omniumque nostrum libertatem ter^{us} Archidux Maximilianus, triduo post, quam ser^{mus} Sigismundus Princeps Sueciæ legitime iam electus fuisset, à paucissimis quibusdā nominatus fuit; ita nūc non minori vniuersæ Christianitatis periculo, quam nostro, à paucissimis iisdem nonnullis proscriptis, cæteris fere decoctoribus, armatus in fines regni huius introductus est. In quo instituto suo, adiuta ser^{tas} eius, contra antiquissima pacta atque fœdera, à Silesiæ atque Moraviæ incolis quibusdā fuit. Cum autem, vt eodem exemplo Reuer^{mx}, Illrēs, mag^{cæ}, & generosæ D. V^{rx} quoque eam iuuent, sollicitari eas audiamus; hæc ad eas dare voluimus; quibus, cum antiquissimo rû fœderum, tum amicitiae perpetuò inter nos cultæ eas cōmoneremus: longeque iustius, vt nobis videtur, ab his postularemus; vt maiore, non modò perpetuæ amicitiae, verum etiam publicæ pacis rationem, quam cuiusquam stu-

dii habeant. Quæ fœdera iam à temporibus
Sigismundi, & Iagellonis vtrinq; nobis inter-
cedant, D^{nes} V^æ vident; huiusmodi nimirum,
vt etiam si inter ipsos principes bellum, vel cau-
sa belli oriretur; populi tamen cupiditate eo-
rum, si retinere non possent, adiuuare non de-
beant; neque vllam opem principibus, in pri-
uata controuersia, contra alterum ferret. Ve-
runtamenij, ferè cōmemorare ea solent, qui
acceptam à maioribus amicitiam, nullis ipsi
officiis inter se prosecuti sint: quæ, cū omni
tempore summa atque testatissima vtrinq; no-
bis intercesserint; vt & horum potius, & anti-
quissimæ amicitia memores esse velint, neque
in huiusmodi causam contra fœderatos, atq;
antiquissimos non modò amicos, verum fœ-
cios etiam suos ob cuiusquam studium de-
scendere, non nostra modò, verum etiam vni-
uersæ reip: Christianæ vtilitatis causa, iterum
quàm diligentissimè ab illis petimus, optimâ-
que valetudinem à Deo his precamur. Craco-
uiæ die xxviij. mēn. Octobris. Anno Domini.
M. D. Lxxxvij.

SERENISS. PRINCIPIS

*Archiducis Maximiliani, ad ordines regni
Poloniae, epistola.*

MAXIMILIANVS, Dei gratia electus
rex Poloniae, Magnus dux Lithua-
niae &c. Archidux Austriae.

Reuert^{mi}, illus, spectabiles, magnifici, nobi-
les, & generosi, sincere & grate nobis di-
lecti. Mittimus oratores nostros ad S. V. illus,
magnificos, generosos, ac strenuos fideles no-
bis, sincere dilectos, Ladislaū Poppel, Baronē
à Lobkowitz, supremum camerarium nostrū,
cōmendatorem Ioannem Kobenzl de Prosssek
& Mossa, intimos consiliarios nostros, & Da-
nielem Princz, Sac. Cæs. M^{tis}, ac nostrum cō-
siliarium, qui nostram de ijs, quæ per oratores
suos nobis scripto obtulerūt, sententiam, scri-
pto item cōprehensam, ipsis traderent, atque
vbi opus fuerit, corā verbis quoque eam v-
berius explicarent. Quibus, vt plenam fidem
adhibeant, & quæ secum deferent scripta, om-
nia publicè perlegenda curent, vt omnes pro-
ceres, ac nobiles, atque omnis conditionis ho-

mines probè intelligere possunt, quibus ratio-
nibus freti huc venerimus, S. V. benignè hor-
tamur. Ad ea autem, quæ responsionem re-
quirunt, vt quàmprimum respondeant, ora-
toresque nostros ad nos sine longiore mora
remittant, beneuolè postulamus. Dat. ex
Monasterio Mogilano xxviij. die Octobris,
Anno Domini M. D. Lxxxvij.

EIVSDEM SERENISSIMI
*Principis, ad superiorem ordinum lega-
tionem responsum.*

Serenissimus Princeps, Dominus Dñus Ma-
ximilianus, electus rex Poloniae, magnus
dux Lithuaniae &c. Archidux Austriae &c.
dominus noster clementissimus, Ad lega-
tionē mag^{corum} & gños^{rum} dñorum Ioannis
Miskowski, castellani Zarnouieñ. Christo-
phori Milenski, dapiferi Calissieñ. Adami
Gorayski senioris, Ioannis Lipski, nomine
ordinum Cracouiae cōgregatorum, scripto
comprehensam, vt petitioni ipsorū satisfi-
at, scripto quoq; respondet.

Quod

Quod ad electionem in regem Poloniae,
& magnam Lithuaniam ducem, suam
attinet, miratur regia M^{tes}, eam ab ordinibus
Cracoviae hunc congregatis etiamnum in du-
bium, atque adeo in controuersiam vocari.
Nam quin ea rite, legitime, ex regni ipsius le-
gibus, ac praescripto peracta fuerit, dubitare
nemo debet; nisi is, cui plane ignota sunt ea
omnia, quae in proximè praeteritis comitijs
Vassaule acta, transacta sunt. Ibi enim, loco
ad electionem, communi omnium ordinum,
tum regni huius, tum magni Lithuaniae du-
catus consensu, atque approbatione, designa-
to, ac consecrato; extra quem D. Archiepiscopus
Gnesnensis, primas regni &c. diris omnibus de-
nouit, & sacrorum communione solenniter ex-
clusit omnes; si qui forte regem eligere aude-
rent: illo, inquam, loco, ubi etiam exterorum
principum oratores omnes auditi sunt: ab om-
nibus utriusque nationis ordinibus, vnanimi
consensu, magno applausu, atque alacri om-
nium acclamatione electam se fuisse, non tan-
tum a sac. Cas. M^{tes} dñi & fratris eius cha-
rissimi, atq; aliorum principum, qui eam comi-

mendatione sua prosequuti sunt; verum etiam
a suis oratoribus, atque aliis quam plurimis
nobilissimis viris tum Polonis, tum Lithuanis,
M^{re} sua renunciatum est. Postea etiam am-
plissimi ipsi ab ordinibus legati ad eam ve-
nerunt; decretum electionis, non paucorum
quorundam (vt Sync. V^o innuere videntur,)
sed plurimorum primariæ nobilitatis virorum
subscriptione, & sigillis cōmunicum, obtule-
runt; atq; a M^{re} regia, vt ad regni gubernacu-
la capienda adueniret, magna contentione
efflagitarunt. Regia itaq; M^{ras} nihil præpro-
perè, nihil inconsideratè, nihil sine Sac. Cæs.
M^{re}, & cæterorum inclytæ domus Austriacæ,
tū aliorum christiani orbis summorū princi-
pum consilio, atque authoritate suscepit, sed
summa omnium voluntate, ac cohortatione,
dictorumq; oratorum ad se ablegatorum, pre-
cibus adducta; iuramento prius Olomucij
præstito, & conditionibus acceptis; in hoc re-
gnum, amico, & ad omnem benignitatem pro-
pensissimo, ac patriæ huius vestræ dignitatis,
cōmodorum omnium, salutisq; cum primis
studiosissimo, non hostili, vt quidam calumni-
antur,

antur, animo veniunt. Quomodo autem, in
ipsis statim finibus; deinde quum istam urbem
præteriret, ab ijs, qui in ea rerum hoc tempore
potiuntur, excepta fuerit, notum est omnibus,
qui miserabilis illius incēdij, quo vicinæ villæ,
& nobilissima ædificia conflagrârunt, specta-
tores fuerunt: omnia direptionibus, flammis-
que atrociter, ac sanè nulla de causa, cōfestim
vastata sunt: nulla certè (nè quid amplius di-
camus) personæ M^{is} eius, cui pace publica
nihil antiquius est, nulla eorum, qui honoris
& officij causa, eam comitati venerunt, am-
plissimorum hominum, ratio habitâ est: tor-
menta in nos directâ, & explosa: milites ad
pugnâ educti: nostri, pacificè progrediētes,
ad certamen lacerati, vulnerati, etiam aliqui
fuerunt: antè hoc autē tempus, & postea quo-
que, quum nihil sibi hostilè metuerent, ut qui
longè alio se proposito huc venisse non igno-
rarent, palantes nostri, & securè ad nos per-
gentes, ex insidiis petiti, trucidati, & omnia
extrema experti sunt, non minus, quàm si Chri-
stiani nominis hostes essent, atque vi ad subi-
gandum hoc regnum intrâssent. Quæ certè,

nisi

nisi M^{as} regia (quæ ipsius est pietas, ac pacis
studium) a cede, & sanguine Christianorum
abhorreret; longè alium exitum habuissent;
quàm ij fortasse existimant, qui nimis præfi-
denti animo M^{as} suæ tam hostiliter aduersati
fuerunt: sed maluit, vt semper factura est, pie-
tatis innatæ, humanitatis, ac benignitatis rati-
onem ducere; quàm par pari referre, cum per-
niciæ hominum, & reip. detrimento. His si-
milis in dies perpetrantur: nuntij ad diuersos
dimissi intercipiuntur; vt antè, quàm in regnū
venisset M^{as} regia, etiam generosus Ioannes
Lusicki, ad serenissimam reginam missus, in
itinere, excussis literis, retentus fuit. Non ita
malè profectò, iam inde à multis seculis me-
rita est inclyta domus Austriaca, de nobilissi-
mo hoc regno; vt M^{as} sua, & nobilissimorum
procerum ac nobilium comitatus, etiam si nul-
la de causa huc venisset, nullum omninò ius
obtineret; tam inhumaniter, tam hostilem, ac
planè barbarum in morem; accipi debuerit.
Nota sunt passim, tum alibi, tum in hoc regno
D. Imperatorum, proauorū, tum aui D. Ferdi-
nandi, tum parentis etiam D. Maximiliani Cæ-
saris.

fatis, erga hanc gentem merita; quæ priuatim, & publicè, in animis hominū defixa sunt; vt nihil nunc dicatur de iis regibus, prædecessoribus M^{ris} suæ Iagellonibus, à quibus genus ducit. Vel horum certè memoria, tanti apud vos esse debuit; vt longè aliter in M^{tem} suam: nosque omnes, animati essetis, præsertim cum id semper studuerit Dei beneficio, vt ab maiorum suorum pietate, humanitate, benignitate, amore, ac studio in hanc gentem planè singulari, nulla in parte degeneraret. Quare humanitatis vestræ atq; officij fuerat; vt parem illis in suæ M^{ris} persona gratiā referretis, inclytæq; domui eius causam præberetis; vt de syne. V^{ria} publicè, & priuatim, amplius etiam mereri nō desinerent. Quod à vobis prætermissum esse, vt reprehensione iusta non caret; ita in spem M^{tas} sua venit, fore, vt quum sinistras de ipsa, atq; à natura, bonitateq; sua, alienas suspitiones, ex vestris, & aliorum, qui falsis malèuolorum calumniis fascinati sunt, animis exemeritis, longè aliam mentem suscepturi; atq; alia, dignitati scilicet, salutiq; reip. magis consensanea consilia capturi sitis. Cogitate etiam

atque etiam, num altera illa electio, qua ij, qui
in proximis comitiis secessionem, a reliquo re-
gni corpore ibi cōgregato, fecerant, Ser^m Sue-
ciae regis filium nominarunt, suo loco, num
rite, num ex legum præsripto, facta fuerit
per tumultum tanē omnia, vi, & armis, non
quo decuit ordine, non more maiorum, acta
sunt: nullus ibi Lithuanus fuit, quum tamen
nobilissima illa natioe inuita, ad dissentientē,
nemo legitimus rex, nemo magnus Lithuaniae
dux, etiam ex vnionis ac foederum pacto, ef-
se, aut dici possit, aut debeat. Nam, quod in
scripto vestro adducitur, de prouincialibus,
& nuper ad Villiciam congregatis congressi-
bus nobilitatis, illud in vniuersum rectē re-
sponderi potest, quod sapientum omnis aetatis
Iurisconsultorum obtinuit auctoritate, & pas-
sim peruulgatum est, id, quod initio nullo iu-
ris fundamento nititur, progressu temporis
non fieri firmum. adde, quod regiae M^{tes} par-
tibus fauentes, (qui per totum regnum, & ma-
gnū Lithuaniae ducatum plurimi sunt) illos
vestrorum congressus, adire noluerunt, neque
sua illos praesentia confirmandos, atq; appro-
ban-

bandos existimârunt; sed satis se officio suo
functos esse censuerunt; si, protestatione inter-
posita, decreta illa, quæ in illis cōuenticulis, per
varias artes nobilitati extorta sunt, nullam ob-
tinere vim testaretur. Non ignoramus, quæ in
maiore Polonia facta & promulgata sit pro-
testatio: quæ in Russia: quæ per totum regnū a-
his in locis. Extant illæ perpetuis literarū mo-
numentis consecratæ. Ac, ne alios nunc con-
uentus attingamus, in quibus nobilitatis iura,
priuilegia, & libertas omnis per vim oppressa
est; nuper certè Vislicia nihil legitimè, nihil
ordinè; omnia per vim, & à paucis quidem,
qui liberæ nobilitati indignæ seruitutis iugum
imponunt, decreta sunt: reliqui à sententiis
dicendis exclusi sunt, qui non armati de repu-
consultaturi, sed pacifico animo cōuenerunt.
quin parum etiam abfuit, quin nobilibus qui-
busdam vis illata fuerit, & cædes perpetrata:
ac, quod magis etiam reprehendi, & vindica-
ri deberet; ne orator quidem M^{is} regis audi-
entiā impetrare potuit; sed cum summa igno-
minia, non sine suo, & suorum periculo reie-
ctus, atque explosus fuit. Itaque magna pars

nobilitatis, illis violentis discedentibus, in alia
omnia iuit; neque electionem nostram repu-
diauit. Sed si coram æquis iudicibus agendū
esset, longè yberius, & firmissimis disceptari
atque euinci argumentis posset; hanc suæ M^{tie}
non eiusmodi esse electionem, qualis synq:
Vrum scripto, non suis coloribus, depingitur. Ac
quoniam sua M^{tas} non sua sponte, non in con-
sideratè, non nulla de causa, non nullo freta
iure; sed vocata ab ordinibus, & statibus re-
gni, & magni ducatus Lithuaniae; vocata à
vestris fratribus, amplissimis viris; de consilio,
sententia, & voluntate summorum Christiani
orbis Principum; animo pacifico, non hostili;
sed ad bene de omnibus merendum, ad digni-
tatem, & privilegia regni conseruanda atque
amplificanda propensissimo venit; cogitare
pro vestra prudentia qui uis, atque animo se-
cum reputare potest; M^{tem} regiam ad synq:
Vrum satis imperiosam, ac minarum plenā hor-
tationem, regno excedere non posse. Agitur
hic salus reipub: agitur suæ M^{dis}, inclytæque
domus Austriacæ dignitas: agitur libertas re-
gni, & magni ducatus Lithuaniae; pro quibus
rebus

rebus omnibus, si opus sit, vitam ipsam pro-
fundero parata est. Quæ cum ita se habeant,
neque iam integrum amplius sit, neque in vni-
us M^{is} regie potestate positum, ut de re tam
magna, certum sync: vestris hoc tempore, at-
que absolutum responsum dare possit, præ-
sertim cum hac de re tota, ad feri regis Succia
filium quoq; literas dederit, & intra hos pau-
cos dies conuentus hic fratrum vestrorum fu-
turus sit, æquum iudicat, ut hanc totam cau-
sam, & responsum ad postulata vestra, in illud
tempus referret. Quod quoniam breue futu-
rum est, sync: V^o benigne hortatur, ne hanc
moram longiorem esse putent, quam tante rei
magnitudo postulat, eamq; æquis animis ex-
pectent. Interea autem, quod suâ facere M^{is}
per se sync: V^o intelligunt, etiam atque etiam
hortatur, ut pacem colant: atq; ipse M^{is} ex-
emplo, quæ eos, qui forte ex vestris capiuntur,
non solum dimitti iubet, sed etiam muneribus
afficere solet, captiuos remittant: spolia, &
quæ contra omnia humana ac diuina iura, a
prædonibus illis Abstineñ, qui vias obsede-
runt, nefarie crepta fuerunt, restituant, neque

permittant, vt maleficiis, excursionibus, atque aliis hostilibus molitionibus vlla in posterum causa M^{ae} regiae præbeatur; vt de vindicandis iniuriis cogitationes suscipere necesse habeat. Nam per vos ipsi, vt viri prudentes, & exterarum quoque rerum periti, satis intelligere potestis, si quid à sync: V^{ris}, vel ipsarum iussu, ab aliis aduersi acciderit, quod a pactis & fœderibus vicinarum prouinciarum abhorreat, tale, tantumque incendium à vobis inflammati posse, quod nulla vnquam ætas restinguere queat. Quod vt Deus auertrat, ex animo regia M^{ae} optat, & pro suo in hanc rem studio, & charitate deprecatur.

Hæc sunt, quæ hoc tempore respondenda visa sunt: voluntatem autem suam regia M^{ae} decorum quoque, quorum interest, sententia, propediem declaratura, & sync: V^{ris} significatura est. Quas bene valere optat. Dat: ex Monasterio Mogilano, xxv. Octobris. Anno M. D. Lxxxvij.

AD SERENISS. PRINCIPIIS

*Et domini, Archiducis Maximiliani, responsum,
per magos, generosos, ac strenuos, Ladislaum Pop-
pel, Baronem a Lobkowitz, &c. Commendatorem
Ioannem Kobenzl de Prossch, & Mossa, & Dani-
elem Princez, ad ordines missum, eorundem ordi-
num responsum.*

Ser^{me} princeps, dñe obseruandissime.

Responsum ser^{tis} V. per legatos ser^{tis} V.
nuper ad nos missum, quemadmodum
ser^{tas} V. à nobis postulauit, vnà cum aliis scri-
ptis, quæ secum detulerunt, patienter audiui-
mus. Ac confirmationem quidem iurium,
quam ad nos misit, & quæ eius generis scripta
fuerunt, & si iustam causam planè non audi-
endi habebamus, ne tamē quicquam suppres-
sum à nobis queri ser^{tas} V. posset, & vt legeren-
tur permisimus, & audiuius: lecta ad ser^{tem}
V. remisimus; vt ea, quæ non à ser^{te} V. sed
nostro rege, legitimè à nobis electo, expectan-
da nobis essent, atque ad eò iam haberemus.
Responsum verò ser^{tis} V. huiusmodi esse vide-
mus; quo ad ea, quæ antè, cum ser^{te} V. questi
fui-

fuimus, nunc verborum etiam acerbitas ea
adiiciatur, quæ superiores offensiones magis
cumulet, quam tollat. Qua nostamen cum
fer^{te} V. non contendemus: eam enim cum hu-
manitatis nostræ, tum dignitatis rationem ha-
bebimus, quæ a nobis haberi debet: de re ipsa
pauca fer^{ti} V. respondebimus. Mirari se fer^{tas}
V. ostendit, electionem suam etiam nū in con-
trouersiam vocari. Nam quin ea ritè, legiti-
mè, ex regni ipsius legibus ac præscripto pera-
cta fuerit, dubitare neminem debere, nisi cum,
cui planè ignota sint ea omnia, quæ in proxi-
mè præteritis comitiis Varfauiensibus acta,
transacta sint. Hic nos vnum id dicemus, tum
id meritò miraturam fer^{tem} V. fuisse; si vnquā
à iusta aliqua parte nobilitatis, vel eorum, qui
ius suffragii ferendi habeant, rata ac legitima
ea habita fuisset. Ad rationem autem comiti-
orum, totiusque ad eò electionis quod attinet,
quomodo quidem partim pecuniis, partim
auxiliis, nonnullos fer^{tas} V. instruxerit; qui pri-
mum conuocationem Varfauensem, postea
autem ipsa etiam electionis comitia, atq; om-
nia consilia publica, quo fer. V. per vim nomi-
nare

nare possent, turbârint: quos deinde per suos
appellârit: quos sollicitârit: qui de pacti cum il
la sint, melius fortassis quàm nos, ser^{tas} V. sci
re potest: quomodo verò omnia acta, quo
modoque ex præscripto legum nostrarum agi
debuerint; melius certè nos scimus, qui & re
bus illis omnibus interfuimus, & leges, institu
tâq; nostra, quàm maximè cognita habemus.
In primis loci iure ser^{tem} V. niti intelligimus.
eo enim in loco electam se dicit, qui omnium
ordinum tam regni huius, quàm M. Lithua
niæ ducatus consensu, atque approbatione
designatus, ac consecratus fuerit: extraq; quē
D. Archiepiscopus Gnesnēsis, primas regni, di
ris omnibus deuouerit, & sacrorum commu
nionē excluderit omnes; si qui fortè regem eli
gere auderent: eo ipso denique in loco, in quo
exterorum principum oratores omnes auditi
sint: quo quidem verunq; ostendere conatur,
& se legitimo in loco, & ser^{mum} Sueciæ princi
pem minimè suo loco electum esse. Qua de re,
si id diceremus, si quæ loci mutatio interue
nisset; eorum culpa tam interuenisse; qui vi
olentis actionibus suis, cum à se, tum à loco

eo, in quo conuenerant, ita omnes ab aliena-
rint; vt paucissimi soli relinqueretur, id dice-
remus, quod nemo negare posset. Iam vero
minime ser^{tem} Vm fugit, non locum, sed sena-
tores, quocūq; etiam illi loco conueniant, seu
ordines potius, vt publicum consilium sit, fa-
cere. Neq; enim vel loci per se religio vlla ta-
lis statui potest, qualis eorum locorum fuit,
quæ ab auguribus olim auspicato capiebant-
tur: aut si aliqua talis religio habenda est, ab
eo certe, qui locum aliquem consecrârit, eun-
dem rursus profanari, aliumq; consecrari
posse, nemo non videt; vt non is locus, in quo
aliquando Archiepiscopus fuerit; sed in quo
ipse electioni præfuerit, solennis & legitimus
habendus sit. verum nouum atq; inauditum
omnino apud nos est, vel huiusmodi loci reli-
gionem à quoquâ statui, vel ad vnum loci ve-
stigium ius electionis alligari. Cuius rei, non
modò nullum ex omni memoria exemplum
proferetur, verum secus potius obseruatum
fuisse, superiora comitia testantur; in quibus
nobilitas in tot loca ferè discessit, in quor Pa-
latinatus aliàs distributa est. Eodem igitur

exem-

exemplo; neque his comitiis tam angustis finibus descriptus is fuit; vt vno aliquo vestigio contineretur; sed campus is omnis, qui inter Varsauiam, & villam Volam interiacet, omnis ei attributus fuit. Intra hunc fer^{mus} Sigismundus rex ita creatus fuit; vt primò, ne ex illorum ipsorum quidem, qui à se discessum querunt, conspectu discessum; deinde non repente etià ad electionem eius accessum fit. Nam & certiores, primum de instituto hoc ordinum facti fuerunt, & ad communem electionem, consiliorumq; cōmunicationem, per integram ferè septimanā quotidie inuitati; ita, vt qui hac ratione electus fit, eius creatione, vt alia nlla re, a more atq; exemplis maiorū, ita ne à loci quidem iure discessum sit. Verum facile fer^{tem} Vm perspicere existimamus, omne electionis ius, in omnium ordinum, ac nobilitatis præferatim consensu, positum esse de quo si constet, frustra de aliis rebus queri. Vt maioris partis consensu electus fit, ne fer^{tem} quidem Vm ipsam dubitare existimamus: aut si dubitet, si rem ipsam paulò diligentius consideret, facile ex re ipsa statuere posse. Senatores per regnum

hoc, & magnum Lithuaniae Ducatum, centū
quadraginta sunt: potest né plures ferè quàm
septem ser^{tas} V. nominare, qui creationi eius
assensu sint? ex quibus tamen nō plures, quàm
quinq;, cum reliqui duo discessissent, renunti-
ationi eius interfuerunt. Non dicemus iam
eos plerosque esse, qui constitutioni Andreo-
uiensi, qua superioribus comitiis ser^{ma} domus
Austriaca, propter publicas regni rationes, à
regno exclusa fuit, non modò scribendæ affu-
erint, verum authores etiam eius fuerint: eos
deinde, qui eiusdem ferè omnes familiae sint.
Cum, quàm paucos ex senatu ser^{tas} V. electio-
ni suæ assentientes habeat, intelligat, quantò
pauciores ex equestri ordine, cuius tamen po-
tissimum in electionibus robur esse solet, ad-
dictos habeat, sua sponte sentire eam existima-
mus. Quemadmodum autem se omniū ferè
consensu ser^{tas} V. destitui videt, ita, quis ab al-
tera parte in ser^{mum} Sigismundum regem non
vnius atque alterius hominis, sed omnium or-
dinum consensus sit, ignorare non potest. Qui,
cùm ab Archiepiscopo, vt principe senatus,
more maiorum ita nominatus esset, vt senato-

res quam maxime frequentes, nobilitas autē
numerossima, sententiis prius dictis, suffragia
sua in eum conferret; tanta tamen per om-
nes deinde cōuentus nobilitatis, eorum etiam,
qui ab electione abfuerant, comprobatio ele-
ctionis eius fuit; vt præsentium ille consensus,
quamuis maximus, exiguus tamen præ reli-
quorum omnium, qui domi māserant, studio
videretur. Quo loco, quomodo conuentuum
illorū authoritas, scripto eo, quod scri^{ptis} V. no-
mine traditum nobis est, eleuetur; partim mi-
ramur, partim non satis intelligimus. Non in-
telligimus id, quod ex iurisperitorum exter-
norum auctoritate, quæ apud nos tamen, & in
hoc regno, quod proprio quodam suo iure
vritur, nulla vnquam fuit, assertur; id quod ab
initio nullo iuris fundamento nitatur, pro-
gressu temporis non fieri firmum. Quod enim
aliās aliquo iure validum non sit, id à tempo-
re firmitudinem non assumere, notū est: quod
autem in voluntate atq; consensu aliquorum
totum positum sit, id, quod minus non quidem
à tempore, sed ab ipsa hominum voluntate
atq; assensu, quandocunq; ea declarentur per-

ficiatur, causæ nihil videmus. Neq; enim à spa-
rio aliquo temporis, sed ab omnium ordinum
cōsensu, qui in cōuentibus iis declaratus est, &
quo omne ius regni continetur, auctoritatem
conuentibus iis attribuimus. Neque verò sine
causa, vel indicti ij fuerunt, vel auctoritas eorū
tāta apud nos est. Ea enim, cū & hominū, &
rerum natura sit, vt in omnibus controuersis
nemo tam ab omni iure destitutus sit, quin ali-
quid iuris se habere præseferat, eius tamen
qui iure, non vi, agere velit, est, vt maximè iu-
ris aliquid habere se putet, iudicio id obtinere.
Iudex, controuersia huius, nullus alius quā
ipsa nobilitas, cuius suffragiis regnum defer-
tur, esse potest. Itaque, cum & superiore ele-
ctione D. Stephani regis in diuersa studia ani-
mi hominum distracti essent, ad hanc solam
rationem decursum fuit: vt is legitimus ab o-
mnibus rex haberetur, qui per conuentus no-
bilitatis ab omnibus rex approbatus esset. Eo-
dem more, cū nūc ser^{mi} Sigism: regis electio
ab omnibus recepta sit, nō tam tempore con-
firmata illa est, quā omnium ordinum con-
sensu atque voluntate renouata quodammo-
do ac

do ac sancita. Quæ præterea ad ipsorū conuen-
tuum auctoritatem infirmendam scripto illo
afferuntur, cuiusmodi sint, ser^{tem} V. ipsam satis
perspicere nobis persuademus. Partim enim,
qui ser^{tem} V. fauerint, conuentibus iis nō interfu-
isse: partim protestati contra eos fuisse: par-
tim eorum ipsorū conuentuum decreta, variis
artibus, & per vim nobilitati extorta fuisse di-
cuntur. Si qui, cum ser^{tem} V. fauerent, numero
& auctoritate superiores aliis esse poterant, &
tamen voluntate à conuentibus iis abfuerūt;
non magnum certe studium eorum in ser^{tem}
Vam fuit; si propterea abfuerunt, quod & suæ
paucitatis, & aliorum voluntatis consicij sibi
essent, id quod sæpe nos iam testamur, pau-
cissimos quosdam contra omniū consensum
ser^{tem} Vam eligere conatos fuisse, absentia ca-
sua, teste conscientia eorum, ipsi comproba-
runt. Miramur autem id factum eorum ad
publicam auctoritatem infirmendam cōme-
morari, de quo vel maxime homines querun-
tur. Nihil enim indignius omnibus adhuc visum
est, quàm quod cum vniuersa nobilitatis, atq;
reip. adeo nomen sibi imponant, iudiciis ta-
men

men nobilitatis se, aut suffragationē suā com-
mittere a usi nō fuerint: conuentusque, qui vel
electionem sequi, vel coronationem præce-
dere soleant, partim nullos indixerint, partim
totam eam rem, suæ potestati, atque arbitrio
referuârint; vt quemadmodum inuitis omni-
bus regem nominârunt, ita clam omnibus in-
ducere eundem possent. De protestatione ab
aliquibus contra aliquem conuentum inter-
posita, nulla sanè nobis constat: si quæ autem
clam interposita ab aliquo fuit, præterquam
quòd paucitatis eorum index ea sit, non plus
etiam valere eam posse nemo non videt; quā
in omnium ordinum consensu, vnius atq; al-
terius dissensio valere vel soleat, vel debeat.
Verum, quoniam protestationis facta mentio
est, quid in hoc genere contra ser^{tis} V. nomi-
nationem à plurimis ex nobilitate factum sit,
vel ex iis ipsis oratoribus suis, quos nuperrimè
ad nos misit, cognoscere ser^{tas} V. potuit. Qui-
bus præsentibus, non defuerūt, qui cū à pau-
cis illis nominatoribus ser^{tis} V. diu ductos se
dicerent, cūque sanctè ab illis promissum
sibi fuisset, nunquam ad ser^{tis} V. nominationē
eos

eos accessuros, cum ad eam nihilominus pro-
gressi fuissent, publicè contra eam se protesta-
tos esse confirmarunt. Alij ad subscriptionem
decreti eius, partim minis, partim vi pertra-
ctos se ostendebant: alij, cum subscripsisse se
illi faterentur, postea tamen, cum reliquā no-
bilitatem palatinatus sui planè ab ea nomina-
tione abhorreere reperissent: quòd sine manda-
to tribulium suorum fecissent; se quoque non
amplius ratum habere testabantur. Non dee-
rant alij, qui partim suum nomen in scis, se
inter suffragatores ser^{tis} V. relatum; partim a-
liorum, qui aliquot annis antè, quàm ser^{tas} V.
nominata esset, mortui essent, simili audacia
in numerum cum relata profiterentur: & prę-
sentibus quidem, quemadmodum ostensum
est ser^{tis} V. legatis, ex quibus rectius tota de
re edoceri ser^{tas} V. poterit, profiterentur. De
modo, quo conuentus ij administrati sint, non
necesse est multis nos disputare; cum vniuersa
nobilitas regni huius testis eius rei sit. Ad con-
uentum quidem Visliciensẽ, pręsidium adhi-
bitum fuisse: Cracouiam etiã celerius, quàm
nos ipsi maluissemus, contendisse nos non ne-

gamus; eius autem rei, qui culpam sustinere
debeant, nos né, qui nulli certè vim fecimus;
an qui antea loca, in quibus is conuentus ha-
beri debebat, per vim occuparant, armatisq;
hominibus ea tenebant; ^{serm} denique V. sub
id ipsum tempus, dum nos de repub. ibi con-
sultaremus, armata in fines regni inducebant;
quilibet facile iudicare potest. Cæteroquin
summa omnium, qui aderant, voluntate, quæ
scip. præsens periculū flagitabat, decreta sunt:
ac quæ decreta, eodē in loco, vt erant perscri-
pta, recitata, recognita, obsignata: vim etiam
cuiquam vel in illo, vel in aliquo conuentu
factam esse, quò minus liberè, quæ viderentur,
dicere quisque posset; omnino negamus. ve-
rùm, vt melius tota de re iudicium ^{ser}tas V. fa-
cere possit, id saltem consideret, velimus; vt
fortè vel artibus quorundam; vt ^{ser}ti V. incul-
catum videmus: vel vi, in diuersam sententiam
pertrahi aliqui potuerint; quod tamen nun-
quam factum est: id certè, vt ex tot diuersis
& distantib. locis, tot homines vnum in locū
cogerentur, & cōuenirent, nulla cuiusquā vel
authoritate, vel vi effici potuisse. Iam verò
qui-

quicumque ad eūuentus eos confluxerunt, ex
authoritate constitutionis Varſauienſis, qua
ſer^m Sigismundi regis electio promulgata fu-
it, & dies eos, qui conuentibus præſtituti fue-
runt, obſeruauerunt, & ad conuentus uenerunt
ita ut nemo ferè ad aliquem conuentuum eo-
rum uenerit, qui eandem ſer^m Sigismundi re-
gis creationem iam ante, quàm conueniretur,
non comprobaffet. Itaque ad ea, quæ de ſer^m
regis noſtri Sigismundi electione ſcripto eo no-
bis proponuntur, num ſuo loco, num ritè, nū-
ex legum præſcripto electio ea adminiſtrata
fuerit, ſummatim, & verè nunc reſpondemus,
electam ſer^m eius fuiſſe ſuo loco, campo ni-
mirum inter Varſauiam & villam Volam in-
teriecto; qui locus conſtitutione publica ad
electionem definitus fuit: in conſpectu ferè
omnium, neq; magno ad eò ab altero loco, in
quo alij pauciſſimi quidam, conueherant, in-
teruallo: electam ritè: ab Archiepiſcopo ni-
mirum, more maiorum renunciatam: ex le-
gum denique præſcripto; quæ eum regem eſſe
iubent, qui non ſingulorum hominum, verū
omnium ordinum conſenſu electus ſit. Quod

porrò de vi, & armis dicitur, id ne résponso qui-
dem opus habet; cùm à quâ parte maximè vis
ostentata sit, nemo sit qui ignoret. Ad Lithua-
nos autem quod attinet, quorum nullus regis
nostri electioni, adfuisse dicitur, cùm in eâ re
plurimum ponere ser^{tas} V. videatur; quantum
tamen hac etiam re ser^{tis} V. nominatio, regis
nostri electione, inferior sit, videat. Ser^{mi} regis
nostri renūciationi, si senatores Lithuanici nō
adfuerunt; in eam tamen consenserunt: & mul-
tis partibus plures, quam in ser^{tis} V. nomina-
tionem; ex nobilitate autē Lithuanica, aliqui
tamen illi interfuerunt. In ser^{tis} V. nominatio-
nem: si duo fortè senatores Lithuanici cōsen-
serunt; renūciationi tamen non interfuerūt:
nobilitas Lithuanica, quæ interfuit, quemad-
modum & maxima pars nobilitatis Polonicę,
publicè contra eam protestata est, secessionē-
quē ab ea fecit. Iam verò de senatorib. Lith-
uanicis verè confirmari à nobis potest, prius
quàm ad electionem accederemus, Lithuani-
cos proceres plerosque, voluntatem suam in
ser^{num} Sigism. regem propensam, non modò
nobis, verùm ser^{mæ} etiam reginæ satis decla-
râsse:

raſſe: quòd renunciatiõni poſtea non interfu-
erint; non per nos, qui aliquoties honorificen-
tiſſimè eos inuitauimus, ſed fortaiſis ne per ip-
ſos quidè ſtetit; ſed per eos, quorum operatio-
ne, vt alia cõſilia publica, ne ad ſuffragia deue-
niretur, omnia ducebantur; ita tum etiã ſub
tempus nominationis, omne genus moræ om-
nibus iniiciebatur. verũtamẽ, quãtus nume-
rus cum ſenatus Lithuanici, tũ nobilitatis ſit,
Ser^{tas} V^a facilè æſtimare poteſt. Si duos forte
ex illis electiõni ſuæ aſſentientes habet, num
idcirco vniuerſam Lithuaniam ſuarum par-
tium eſſe dicere poteſt? Cũ plerique potius
ſenatores, ac nobiles Lithuanici, partim ſer^{rum}
Sigifmundum regem in cõuentibus ſuis iam
receperint, partim etiã cum illo ſint. Etenim,
ne, quantum in nobis eſt, diutius ſer^{tem} V^{am} in
errore eo, in quo eſſe eam videmus, verſari pa-
tiamur, à quanto tempore iam fines regni in-
greſſa ſit; vt cogitet, rogamus: ſimul autẽ illud
ſecum expendat; vllusnè locus ferè in vniuer-
ſo regno ſit, qui ſua ſponte ſer^m V^a pateat? vl-
lusnè à toto eo tempore vel ſenatorum regni,
magniuè Ducatus Lithuanix, vel grauium a-

liquorum hominum cōcursus ad eam factus
sit? vllus fere deniq; liber nobilis, qui non sti-
pendio, aut aliqua re fer^{ti} V^a authoratus esset,
ad eam venerit? venerunt legati ad eam pau-
ci: illi ipsi, qui eam nominarunt: qui stipendia
eius acceperunt: iidem gratulatum ei ad fines
processerunt: in fines deinde regni, contra om-
nium voluntatem introduxerunt. Cum inte-
rim aliqui, quibus suffragatio fer^{tis} V^a vel ma-
ximè niti videbatur, ad fer^{mi} Sigismundi regis
authoritatem se contulerint. E contra autem
fer^{mus} Sigismundus rex, summa Gedanēsum,
ac totius Prussiae voluntate receptus, ita iter
facit: vt non modò nullos, qui se illi opponāt
reperiat; verum cum senatorū regni, ac mag-
D. Lithuaniae, tum yniuersae nobilitatis quo-
tidie maximus concursus ad eum fiat, penes
illum & Episcopi pleriq;, & alij senatores, ac
magistratus sunt: reliqui verò nos, ita hīc pro
eo excubamus, vt vitam fortunasque omnes
nostras, in discrimen pro eo adducere non du-
bitemus. Talemne omnium ordinum atque
hominum consensum, vel obscurum fer^{ras} V^a
esse putat, vel paucorum quorundam artificio
effici

effici potuisse? Dei ista opera sunt, & cum a
Deo solo proficiantur, cum huiusmodi sunt,
ut in illis, omnium nimirum vnanimi consen-
sus ius regni, atq; electionis omne positum sit.
qua de re, & scripta lex apud nos extat, qua di-
serte constitutum est, non nominatione cuius-
quā, aut renunciatione, sed omnium vnanimi
consensu reges apud nos fieri. Verum quoni-
am de iure electionis ser^{us} V. respondimus: ad
alia, quibus inhumanitas, & nescimus quæ a-
lia nobis tribuuntur, facilis ac brevis reliqua
responsio est; eoque breuior, quod iam ante
de plerisque fere rebus responsum a nobis est.
Legatum suum audientiam sub Vislicia impe-
trare non potuisse, ser^{tas} V. queritur. multo ius-
tius nos ea de re queri possemus, cum a ser^{te}
V. legati nomine missum eo ad nos fuisse, cū
quo, ex publicis decretis nostris, nō modo cō-
mercium nullum esse nobis poterat, verū in
quem vindicari etiam debuisset. Ferētibus ita
fatis regni huius, externos reges etiam antea
habuimus. Sed tamen & Henricus, & deinde
Stephanus rex, cū regnum ingressuri essent,
primarios homines vnum atque alterum suæ
natio-

nationis præmiserunt. Quòd enim omnium palatinatum nuntios nobilitatis, sub aduentum regis, pro more in primariam ciuitatem conuenire solere accepissent; suos homines alter Gallum, alter Vngarum vterque cò præmisit: qui non modò de aduentu eorum, verum de numero etiam, ac comitatu, qui circa illos esset, certiores ordines facerent, & an omnes in regnum recipi ordines vellent, cognoscerent. Ser^{tas} V^a eum misit, quem, quòd nò modò discessionem à publico corpore fecisset; verum priuatim etiam publici legati nomen sibi imposuisset, nò modò audire, verum ne videre quidem, vel possemus, vel debemus. De legatione, quam ad ser^{mum} regem nostrum missam à se ser^{tas} V^a ostendit; ita ser^{tas} V. habeat; eam rationem reip. huius esse; vt neque à nobis sine rege, neque à rege sine nobis quicquam cum quoquā tractari, multò minus statui possit. Conuentus, quem Mogilæ intra hosce dies futurum significat; qualis futurus sit, nescimus; seu potius satis iam præuidemus. Cùm enim conuentus huiusmodi etiam rege in regno existente, non nisi ex omnium,

nium, aut maioris partis senatorum consilio
indici soleant; hic cuius auctoritate indictus
sit, nisi fortè curiæ Marsealci; qui non modò
vltimus locus in senatu est, verum vix à decem
annis in senatum receptus, non videmus. Ac-
cedit huc, vt neque sine vniuersæ nobilitatis
cōsensu quicquam in regno hoc statui possit:
neque vniuersa nobilitas vnum in locum con-
uocari; nisi prius per singulos districtus parti-
cularib. nobilitatis conuentibus indictis: in
quibus, & qua de re statuendum sit, nobilitati
prius proponatur: & ad generalem conuentū
legati à nobilitate designentur, mandatisque
instruantur. Huiusmodi autem conuentum in
quo omnia hæc negligantur, contra omnia
exempla, atque morem, habere: multò magis
autem vnius deinde atque alterius vel stipen-
diarij, vel vix liberi sententia, pro publici con-
uentus auctoritate, atque nomine abuti; cu-
ius consilij atque incepti adeò sit, sua spontè
fer^{tem} V^{am} intelligere nobis persuademus. Re-
liquarum rerum hæc summa est: ser^{mam} domū
Austriacam tanti à nobis fieri, quanti ob eius
dignitatē ac virtutes ab omnibus fieri debet.

M

sæpius.

sauius testati sumus: ab illa verò vicissim, no-
stra etiam libertatis atque dignitatis eam ra-
tionem haberi vellemus, quæ haberi debebat.
Idem de aliis principibus quorum consilio ad
hoc negotium se accessisse ser^{tas} V. ostendit;
dicere possumus; summo nimirum in honore
eos apud nos esse: de nostris tamen rebus, &
libertate, nostro iudicio, eoque liberrimo nos
vti. Necessitudine, qua ser^{tas} V. Iagellones at-
tingere se significat; quantum ser^{mus} etiam rex
noster eam antecedit; vt qui, quasi proxima
propago Iagellonum sit, ser^{tas} V. intelligit: vt
pactorum iam taceamus, quæ cum hac stirpe
Iagellonum, à qua ser^{mus} rex noster proficisci-
tur, ser^{max} domui Austriacæ, illisque ipsis prin-
cipibus, qui à superioribus Iagellonibus pro-
ficiscuntur, ne altera alteri impedimento sit,
priuatim etiam intercedunt. Ser^{tem} V. non op-
pugnamus; sed illi, nos oppugnati, resistimus.
Neque enim nos in illius ditiones; sed illa ad
nos armata venit: cum vt aliorum monitorum
nostrorum taceamus, ad Episcopum certè Vra-
tislauien^{sem} satis disertè scripserimus; hostilitatis
loco nobis fore, si versus fines regni ser^{tas} V.
profe-

profecta fuisset. Itaque, si armatae ser^{ti} V. resistimus, nihil alienum à iure gentium fieri à nobis existimamus. villas, & ædificia vicina saluamallemus; sed ita, ut non modò illis, sed omnibus fortunis, vitæque ipsa nostra, fidem ac libertatem nostram potiore habeamus. In tempestiva tamen nobis clementia ser^{tis} V. videtur; cum his ipsis diebus ex ser^{tis} V. exercitū quidam, qui certas partes urbis incenderet, immissus, à nobis captus, maleficiūque factus, supplicio affectus sit. Captiuos etiam, cum pacatē se venisse ostendat, aliquot tamen nostros se habuisse ser^{tas} V. non negat. quos quidem, cum ser^{tas} V. muneribus affectos omnes à se dimissos significet, plerosque tamen adhuc retineri scimus. quorum tamen nemo est, qui in acie captus sit; sed cum ex itinere plerique excepti nobilium familiares, aut tabellarij; tū nonnulli etiam in pabulatione, quod in pace certē, quàm à se ser^{tas} V. seruari testatur, nunquam fieri solet. Qui Rabsteinij sunt, stipendiarij sunt reip. finiumque ab ea parte cura publice illis demandata est; ut si qui in fines regni incurrerent, illis resisterent. Ut finem fa-

ciamus, hortari fer^{tem} V. non desistimus, potius
ut, quid nō modò sibi, verum vniuersæ reip.
Christianæ expediat, cogitet; quàm alios, ut
quàm lenissimè dicamus, de suis potius rebus,
quàm publica salute cogitantes, audiat. Cùm,
ut prudēter præsertim fer^{tas} V. monet, tale tã-
tùmque incendium inflammari possit, quod
nulla vnquam ætas restinguere queat; nō mi-
nus autem id à fer^{te} V. quàm à nobis, qui nul-
lam eius causam præbemus, vitari & possit, &
debeat. Cæteroquin fer^{ti} V. studia, officiaque
nostra quàm diligenter deferimus: optimam-
que valetudinem à Deo precamur. Maioris
fidei causa, qui è nobis ad eam rem deputati
fuerunt, hisce subscripserunt, signaque sua ap-
posuerunt. Dat: Cracouiæ, die iii. mēn. No-
uemb. Anno Domini, M. D. Lxxxvij.

ORDINVM REGNI POLONIAE,
*de electione sereniss. Sigismundi III. regis, omniq;
præsente statu, ad vniuersos principes Christianos
epistola.*

VT nihil omnibus nobis magis optandū
fuerat, sanctissime, ac beatissime Ponti-
fex,

fex, inuictissime Cæsar, cæteriꝑ; ser^m reges,
& principes Christiani; quàm vt in demortui
regis nostri locum, non modò similem illi vir-
tute, & nobis alium regem, & vniuersæ reip.
Christianæ salutarē principem suffecissemus;
verùm eundem nullo etiam dissentiente suffe-
cissemus: ita, quæ vestra pietas est in omnes
populos Christianos, vobis quoque nihil gra-
tius cognitu futurū fuisse nobis persuademus.
Facile enim pro eximia sapientia vestra intelli-
gitis, cū nulla pars Christianitatis in discor-
dia ac dissensione, sine vniuersi corporis in-
commodo, versari possit; tum multò magis
ab ea periculi esse, quæ aliàs, pro reliquis par-
tibus Christianitatis, plerarumque ferè natio-
num barbararum pericula excipit. Vt aliter
tamē res caderet, seu permissu diuino, seu quo-
rundam potius hominum cupiditate accidit.
Cum enim, quemadmodum iam antè delatū
ad vos existimamus, ser^m Sueciæ princeps Si-
gismundus, omnium ferè liberis suffragijs, in
regem iam electus esset; non defuerunt pauci
quidam, qui aliquot diebus post, ser^{mum} etiam
Archiducem Maximilianum non tam eligere,
quàm

quàm regnum hoc in discriminē, ac mediā quasi
inter duos principes, contentionem iacere nō
dubitārint. Ita nos à prima nostra spe depulsi,
cum plenam gratulationē ad vos mittere non
possemus, quod proximum fuit, ut cunque res
cecidisset; publice tamen multis de causis si-
gnificandum vobis de ea existimauiamus. Pri-
mum, quod varia à nonnullis, eaque ab ipsa re
alienissima de electione ea nostra iactari intel-
ligamus: deinde quod, cum eò iam progressa
aduersa pars sit, quò non, nisi qui extrema cō-
silia sequuntur, progredi fere solent, si quid vel
vicinis ditionibus, vel vniuersæ Christianitati
incommodi inde exstiteret; minimè penes nos
eius rei causam fuisse, testificandum statuere-
mus: ad extremum etiam, ut cum aliter eue-
nisset, atque nos, & ut nos arbitramur, vos ipsi
optāritis, quod casu incommodi inuectum es-
set; id quātum ad vniuersam Christianitatem
pertineret, authoritate saltem, atque consilio
vestro, pro suo quisque loco restitueretis. To-
tam autem rem, quomodo & ab initio acta,
& quò nunc perducta sit, dum pluribus nar-
ramus, ne longiore narratione molesti vobis
simus,

simus, pro vestra humanitate vereri non debe-
mus, quæ cum sua sponte facile audientiam
nobis factura apud vos sit; tum vt nos existi-
mamus, non minus etiam res ipsa. Satis enim
pro prudētia vestra intelligere vos statuimus,
causam quidem nostram, periculum, quod ex
ea existere possit, commune vniuersæ Christi-
anitatis esse posse. Ne autem altius rem repe-
tamus; non modò ex superiorum temporum
memoria, verum proximorum etiam horum
annorum aliquot cōsuetudine satis omnibus
constare arbitramur; huiusmodi hoc regnum
esse, ad quod non successionē, sed suffragiis re-
ges vocentur: atque ita vocentur, vt, cum in
aliis plerisque quamuis liberis imperiis, vel or-
do certus, vel numerus hominū, qui principes
eligant, definitus sit; hoc, senatus atq; nobili-
tatis vniuersæ suffragiis, deferatur. Iam nemo
tam vel ab electi à nobis regis dignitate auer-
sus est: vel tam suis partibus addictus; qui ab
hac parte omnem ferè senatū, atq; nobilita-
tem, omniū deniq; ferè cōsensum, facere nega-
re audeat. De modo, atque ratione, qua in ele-
ctione hac processum sit: quæ, vbi de consensu
con-

constat, ad rem parum, ad ius certè nihil faci-
unt: disputare non nihil ab aliis videmus; non
quo hac etiam in re peccatum aliquid sit, vel
ipsi intelligant; verum vt dissensionis suæ,
si non iustam, aliquam tamen causam af-
ferre videantur. De qua quidem re, pluribus
respondere nobis necesse non arbitramur;
vel quia nihil, quemadmodum ostendimus,
cum iure, quod in consensu, ordinum omne
positum est, cōmune ea habet; vel quia tam
illustri loco, totque illustribus hominibus te-
stibus res gesta est; vt quomodo vtrinq; admi-
nistrata sit, etiam nobis tacentibus obscurum
esse non possit. Primùm omnium tamen, que-
rinè magis, an deplorare debeamus, nescimus:
cū publicum consilium de omnium gra-
uissima re indictum esset, ita nonnullos & ani-
mis, & copijs paratos ad id accessisse; vt non de
rep. consultaturi, sed de priuatis controuersijs
suis, armis inter se dimicaturi viderentur. qua
in re, vtrius partis culpa sit, definiendum nobis
non arbitramur: id quidem dissimulare non
possumus, cū in proximo conuentu, qui ele-
ctionem hanc proximè antecessit, vna pars nō
modo

modò multa asperè in alteram absentem di-
xisset; verùm grauissimè etiam eandem oppu-
gnasset; cùm huic causam sui muniendi præ-
bitam videri, tum ipsam etiam semper id pro-
fessam esse; non lædendi cuiusquam, sed sui de-
fendendi causa, quicquid penes se præsidij ha-
beret, se sibi adiunxisse. Quomodocunq; sanè
res se haberet, cùm semel in eum statum addu-
cta esset, vt nisi in tempore obuiam illi iretur;
ne priuatis odijs resp: interiret, summopere ve-
rendum esset: etsi indignum nobis videbatur,
ob priuatas cōtentiones publica consilia im-
pediri; quantum in nobis tamen esset, non
modò reip: verùm ciuium etiam singulorum
saluti, quàm dignitati publicæ consulere ma-
lebamus. Itaque non modò ex ordine nostro,
viros primarios aliquoties ad vtramque par-
tem allegauimus, qui de cōpositione diligen-
tissimè inter eos agerent; verùm non rarò vni-
uersi etiam auctoritatem nostram interposui-
mus; si qua ratione ad pacem atque concor-
diam, vniuersæque reipu. auctoritatem addu-
cere eos possemus. Hic nihil dicemus aliud,
quàm alteram certè partem semper in pote-

N

stare

stare nostra se fore cum verbo, tum se prae-
stare: alteram nescimus quomodo, cum a pace,
tum ab omnibus iis rationibus, quæ a nobis
proponerentur, abhorrentem animum offen-
dissè, ut quod cuilibet in mentem venire pote-
rat, quodq; exitus ipse testatus videtur, id no-
bis quoque suspicandum fuerit, cum omnia,
quæ ad concordiam inter eos conciliandam
pertinerent, & a nobis diligentissime tentata
essent, & ex rationes eius propositæ, quæ ab
illa ipsa parte iam ante non modo approba-
tæ, verum vltro propositæ esse dicebatur: quod
nilominus convenire non posset, nulla alia
causa, quasi ex instituto contentionem hanc a
quibusdam ali, quam quo per dissensionem
hanc eum regem inducere possent; in quem
alios non nisi vi, ac malo adactos, non facile
consensuros existimarent. Accedebant huic res
certissimæ, quod certorum hominum sermo-
nes, qui eodem omnes spectabant, non pauci
ad nos deferrentur: quod eisdem maiores im-
pensas facere, quam non modo prouentus
eorum, verum omnes facultates, quæ aliquo-
rum nullæ essent, paterentur, videremus. &

quos

quos Crassi diuitias non habere satis scire-
mus; modum tamen ferè in definiendis diui-
tiis Crassi attingere, exercitusq; alere cernere-
mus; vt cum ex iis rebus aliunde pecuniam
illis subministrari satis perspiceremus, quam
ob operam ea illis subministraretur, dubitare
non possemus. Quæ cum omnia animadu-
ceremus; subductis rationibus omnibus, quæ
nostræ partes essent; quidq; non modò nobis
verùm reip; tali tempore præstare deberemus;
cogitare nobiscum cœpimus. Itaque cum diu
frustra tentata à nobis concordia esset; ne ob-
priuatas controuersias suas, publica tamen
consilia vltèrius impedirent; cum vtramque
partem, tum maxime eos, per quos ne conue-
niret, stare videbatur; hortati sumus. quod
quia omnium cum pernìcie omnino futurum
videretur, si vtraq; pars in senatum veniret, ne
vel altera iniuriam sibi factam interpretari
posset; vel vtraq; cum periculo omnium con-
grediendi locum haberet, eam tandem vtriusq;
rationem præscripsimus; vt vel vtriq; à senatu
abessent; vel alternis vicibus in eum venirent;
ad extremum, cum id ipsum impetrari à se qui-

dam non paterentur; in id saltem in eum bere
cepimus; ut ad eas deliberationes, quarum
potissimum causa conuentus is institutus fu-
isset, quamprimùm accederemus. Cui rei,
quorū impedimenta, sine vlla graui causa obie-
cta ab iisdem fuerint; cū longum esset dice-
re, cū parum ad præsens institutū pertinens.
id quidē omnes satis animaduerrere potuisse
existimamus, multis non necessariis disputati-
onibus introductis, nihil tam quasi de indu-
stria vitatum esse, quàm ne ad suffragia res de-
ueniret; vel ut tempus tamen quàm longissi-
mè extraheretur, actum Quo magis miramur
eius rei culpam, quam ipsi sustineant, in nos
iam eos, scripto etiam publicè edito, conferre
non dubitare; atque ita conferre, ut modò
tempus à nobis potissimùm extractum, quò
nobilitas interim dilaberetur, quærantur; mo-
dò quòd nimis præproperè, non antè definitis
aliis quibusdam rebus, ad suffragia ferenda ac-
cesserimus, nos accusent: vnaq; oratione, du-
plici, eiusque multum inter se diuersi crimi-
nis, & moræ, & festinationis nimia nos insimu-
lent; satis ut ostendant, non minus oratione
quàm

quā mire fecum se pugnare. Itaque, cum id mi-
ramur, tum multo magis miramur causam,
quā moræ eius nos habuisse afferunt. Eam
enim rationem consilij eius nobis tribuunt,
quod cum in magnum Moscovia ducem, &
ipsum, & pleramq; nobilitatem propensam esse
perspicere mus; nobilitatem moræ incommo-
dis maximis affectam, ideo dissipari volueri-
mus, quod illis a nobilitate destitutis, nos ideo fa-
cilis Moscum excluderemus. quare duplici-
ter se redarguunt. Nam & animos hominum
ita à sermo domo Austriaca, ex qua ipsi regem
privato consilio postea nominarunt, alienos
fuisse fatentur, ut in quemvis potius prociues
fuerint; & non modo cur postea, cum sermo
Archiducem Maximilianum nominarunt, nō
Moscum potius, quemadmodum constitutū
sibi fuisse ostendunt, nominarint, nullam ius-
tam causam afferunt; verum id etiam, quod
nos fecisse reprehendunt, quod Moscum præ-
terierimus, idem ipsi se fecisse re ipsa testantur.
Etenim, si conditiones à Mosco propositas tū,
cum in eum cum reliqua nobilitate suffragia
sua conferre deliberatū sibi fuisse dicunt, non
insup

dum cognitas habuerunt, satis ne consideratè
de rep. præiudicarint, ipsi viderint: si & per-
spectas eas iam tum habuerunt, & probarunt;
quæ vis illos prohibuit, cum ser^{mum} Archidu-
cem Maximilianum nominarent, quo minus
hunc potissimum elegerint? sin cognitas qui-
dem tum habuerunt, a reipub. autem vtilitate
alienas iudicant; neque ipsi in Moscum pro-
pensi fuerunt, & nos, quod eius rationem ha-
bendam non iudicassemus, laudandi potius,
quam vituperandi essemus. Quod enim inter
alias, hanc quoque causam asserre videntur,
quod cum ser^{mus} rex Sigismundus electus iam
a nobis esset, huiusmodi alius rex eligendus si-
bi fuerit, qui celeritate aduentus, quæ a Mosco
expectanda non fuerit, a conatu ad eundem regni
cum deiceret: huiusmodi est, vt primum nullâ
iusta tanti odij in regem electum causam osten-
dant: deinde, quod si cætera in Mosco probas-
sent, non magnopere mouere eos poterat.
Nam neq; si consensus nobilitatis tantus in eu-
fuisset, quantum illi fuisse videri volût, a quo-
quam resisti illi potuisset: & quò minus a Mo-
sco etiam, vt quam celerrime veniret, impe-

trari

trari potuerit, nihil etiam explorati atque cer-
ti afferre videntur. Verum, vt ad rem reuertamur,
cum omnia ab illis impedimēta ex insti-
tuto obici videremus; tamen ne ita quidem
vlla alia molestia auocari nos passi fuisset,
quo minus, quemadmodum institueramus,
eodem in loco, vna cum illis de repu: delibe-
rassemus; nihilque intentatum reliquisset,
quo ad optatum exitu perueniri tandem po-
tuisset: nisi summo simul eodemque presente
periculo commoueri nos necesse fuisset. Non
enim iam solum variis disputationibus inter-
positis, deliberationes publicæ eximebantur;
verum his, qui in illis versabantur, minæ, ac vis
intentabantur: comitum, armatis hominibus
non sepiebatur solum; verum etiam comple-
batur: in loco publici consilij scloppi explo-
debantur. in conspectu senatus expansis signis
conspiciebatur. itaq; in ipso etiam senatu, nul-
la ferè libera vox ferebatur. si quid liberius ab
aliquo dictum esset, non modo vociferatio-
ne, verum conuictis etiam mox excipiebatur:
idque non modo priuatis accidebat: quamuis
in tali causa nemo, qui ius suffragij ferendi ha-
beat,

beat, priuatus cenferi poffit. Verumtamen & Archiepifcopum ipfum, qui cum princeps fenatus fit, in eius perfona non illius folum dignitas, verum vniuerfi fenatus obferuari debet; grauiffimis verborum contumeliis in ipfo fenatu affectum effe: alium fenatorem ad fingulare certamen, publicè in fenatu prouocatum notius eft, quàm vt à quoquam negari poffit. Tacemus hoc loco facerdotem in ipfo confilij publici loco in tumultu traiectum. Vencefflaum Vansouicium, virum nobiliffimum, & in fuperioribus bellis fingulari cum laude verfatum, à factione illa interfectum: alios complures, partim minis, partim cædibus, quæ vulgò ferè fiebant, oppreffos. Quæ omnia, cum non folum animaduertteremus, verum in oculis noftris quotidie verfarentur; nonnulla præterea alia confilia à quibusdam proferrentur, quæ ad maximos motus omniumque rerum perturbationem fpectarent; alterutrum neceffariò confequitur videbamus; vt vel deferta à nobis refpu. omninò opprimeretur, vel fi iniuriis quorundam obuiam ire vellemus, non modò cum vitæ noftræ pericu-

riculo, quod reipub. salutem omnes postponere
debent: verum si ad dimicationem, ad quam
spectabat, res deueniret, quicumque etiam su-
periores exstissent, cum summo discrimine,
arque interitu ipsius reipub. ea à nobis defen-
deretur. Hic, ut cum animum, qui in remp. no-
ster esse debuit, quemque cum esse voluimus,
ad punctum temporis omnes suscipiant, roga-
mus: quidque nobis tali tempore faciendum
fuerit, diligentius secum expendat. Quod cum
fecerint, an ad vtriusque rei incommodum vi-
tandum, vlla accomodatior ratio in mentem
alicui ventura sit, nescimus; ad eam certe, quæ
à nobis suscepta sit, optimo in patriam animo
descensum à nobis esse, neminem dubitaturum
confidimus. Is enim rebus, quæ à nobis com-
memoratae sunt, adducti, in eam sententiam
necessario concessimus; non quidem consilia
ut nostra ab illis seiungeremus; verum, ut alio
in loco conueniremus, in quo, & nos pacatius
de repub. consultaremus, & ex eodem, quem-
admodum ante etiam factum esset, cum il-
lis quoque consilia nostra conferremus. Quo
loco, illi actiones nostras in dubitationem vo-
candi locum se nactos rati, cum neque consen-

sum omnium ordinum inficiari, neque in ipsis
actionibus reprehendere quicquam possint;
hoc vitij ad infirmandas eas reperisse se arbi-
trantur; quòd cum ab initio certus locus ad
publicas deliberationes septus esset; cumque
is postea conflagrasset, alius ad eandem rem
captus; nos cum iniuriis illorum, tum præsen-
te reipu. periculo adducti, peculiarem locum
paulò ab illo, in quo illi conuenirent, remotio-
rem ceperimus. Hic, si id diceremus, eorundẽ
authoritate, quorum captus locus sit, eundem
mutari posse; neque locum, sed ordines, quo-
cunque etiam illi in loco conueniant; vt pu-
blicum consilium appelletur, efficere, cui non
id æquo & prudenti probaremus? Iam verò, ne
mutatum quidem locum iure dicere quisquã
põtest. Qui, cum ita definitus sit, vt campus,
qui inter Varsauiam, & villam Volam interie-
ctus est, totus electioni huic destinatus sit; ne-
que angustioribus spatiis à quoquam circum-
scribi potuit, quàm lex ipsa illi circumdedit;
neque, si aliqua religio loci est, quam non mi-
norem quidem illi, quàm iis locis olim tribue-
batur, quæ à publicis auguribus capta conse-
crataq; essent, tribuere eos videmus; non mi-

nus ad vniuersum eundem locū, qui lege demon-
stratus est, quā ad certā eius partem ea per-
tinebit. Intra hunc igitur, cū constiterimus,
atq; ita propē illos constiterimus, vt ne è con-
spectu quidem illorum discederemus, nō mo-
do, quid huiusmodi loci mutatio vitij habeat,
sed ne mutatum quidem vlla re locum esse, in-
telligere possumus. Quod si, quemadmodum
supra demonstratum est, non locus, sed sena-
tores senatum faciunt: neq; senatores solum,
verū ratio etiam habendi senatus, de eo qui-
dem loco, in quo nos conuenimus, cū & in-
tra demonstratos in lege fines, is fuerit; & in
eodem ordinē fere vniuersi conuenerint, con-
silia denique publica, vi atque iniuriā omni re-
motā, more maiorum habuerimus, nulla con-
trouersia esse potest: ille, in quo ipsi festiterūt,
nullo modo legitimus haberi potest. vel quod
vix vnus atque alter, non tam relictī in eo fue-
runt, quā iniurijs suis alios ab eo segregārūt:
vel quod ij, qui ob priuatas magis controuer-
sias, quā reipub. causā ab omnibus dissense-
runt: vel quod ita consilia publica in eo tra-
ctārint. Neque enim quatuor, vel quinque se-
natorum conuentus in hoc regno, in quo tan-

tus numerus senatorum est, pro publico consilio vnquam habitus fuit: neque priuatorum odia, publicam auctoritatem assumere debēt: neque, in quo cōsilio nulla libera vox existere potest, omniaque minis, atque vi administrantur, non conuentus potius senatorum, quam senatus habendus est. Iam verò, non modò ipsius loci ius, atque religionem, verum sanctionem etiam superioris conuentus Varsauicnsis, qua sanctissimè constitutum sit, ne separatim ab vniuersis aliqui regem eligant, neglectam à nobis contendunt. de cuius conuentus auctoritate, disputare non huius loci est: ipsi sciunt, quibus, quāq; grauibus de causis, à nulla ferè parte nobilitatis acceptus is sit. Ad id tamē caput, quod attinet, quo clandestina omnia consilia ab electionibus regū excluduntur, translatitium id est: sumptum enim est ex antiquissimis sanctionibus, quæ de creatione regum exstant. Itaque, etiam sine conuentus Varsauicnsis auctoritate, summa tamen eius apud nos auctoritas semper fuit: quomodo autò à nobis quid contra eam commissum putent, non sanè intelligimus. Non enim, si qui loci aliquo vestigio separati inter se sunt, confestim consilii

filiis etiam, atque deliberationibus disiuncti
sunt: cum sæpe maximis locorum interual-
lis distracti; mente tamen, animo, cogitatione
copulati inter se, atque præsentis putentur.
Quod cum aliis multis in causis locum ha-
bere potest, tum maximè in hac, quæ non tam
corporis viribus quàm animi administratur:
non enim corporis præsentia, sed sententiis,
suffragiis, consilio reges creantur. Nos ve-
rò, cum non modò nullis locorum interual-
lis seiuncti ab illis fuerimus; verùm non modò
ex eo loco, qui constitutione ipsa definitus est,
sed ne è conspectu quidem illorum discesseri-
mus; ita deinde secesserimus, vt nihil nisi re pri-
us, ad alios etiam relata, statuere in animū in-
duceremus, statuerimusque, si quis pro absen-
tibus, & separatis habeat; is non tam alios ab
se separatos queri, quàm se ab aliis separare
videtur. Nunquā enim absens videri potest is,
qui animo, atque consilio præsens est; multo
minùs, qui in oculis eorum, qui aliquid agunt,
versatur: Itaquē, lege etiam Sigismundana, quæ
hac de re est, ij soli excluduntur, qui conuen-
tum vel planè non obierunt, vel domo se non
comouerint; non ij, qui nō modò ad conuen-

tum cum profecti sunt, verum consilia etiā electionis cū aliis tractent, neq; id ratione solum ac re ipsa, verum exemplo etiam, ac more à nobis recepto. Itaq; & alias in more esse meminimus: & vel in hoc ipso conuentu nō semel yfurpatū, yt si quos senatores adesse cōstiterit, etsi ij vel valetudine, vel aliis occupationibus impediti in senatū non venerint, sententias tamē per secretarios rogentur: nec minus absentiū sententiæ relatae, quā in senatu præsentium pondus habeant; & in Henrica electione, cum omnes in vnum consentirent, in tot tamen loca distracti ferē fuerunt, quot Palatis natus sunt; ex quibus deinde vnum in locum consilia omnia cōportarentur. Quod si quid separatim regem eligere sit, vel nondum satis perspiciunt, vel non perspicere se simulant, suū factum diligentius aliquanto considerarent, vellemus, qui cū regem ab vniuersis legitime iam electum viderent: cū eorū vix quinque essent: partim priuato odio ab aliis seiuncti, partim inter se arctissima necessitudine deuincti; ex nobilitate paucissimos, iidem consanguineos, familiaresq; suos, instituto suo assentientes, reliquos omnes contradicentes haberent;

rent: consilij tamē sibi paucitatis suae: consilij
animorum nobilitatis; quos cum in Molcum
propensos fuisse ipsi profitentur, ab aliis auer-
sos fuisse agnoscunt; cum nihilominus regem
elegerunt, de quo iam multo ante priuatim in-
ter eos conuenisse, publica fama fuit, quæ, si
tantum habet diuinitatis, quantum a quibus-
dam ei tribuitur; non modo sine omnium au-
thoritate, atque consilio, separatim ab illis rex
electus est: nam id quidem, cum publice actū
sit, negari non potest: verum, multo etiam an-
tē, quam cum aliquo consilia cōmunicare de-
co potuerint. cuius quidem rei, cum etiam si-
ne fama, vel exitus ipse eos arguat, quomodo
se in sanctionem eam non incurrisse probare
possint, ipsi viderint. Nostrium quidem consi-
lium, præterquam quod necessitate expressū
à nobis fuit, cum re etiam vtile, tum iure, rati-
ōne, atque exemplo omnibus probatum con-
fidimus. Hoc autem instituto, cum quemad-
modum suprà demonstratum est, eodem in
campo, adeoq; in conspectu prioris loci, locū,
in quo liberē atque tranquillē de rep. consul-
tare possemus, delegissemus; cum ea quidem
in de-

in deliberationem vocauimus, quæ partim in
eum conuētum ex superioribus reiecta erant;
partim etiam tum oblata, necessarios explica-
tus requirere videbantur: maximeque, qui eay
quæ ad iuris, ac legum emendationem perti-
nerent, cognoscerent; ex conuentu nostro ele-
gimus; tum verò, vt eodem tempore ad suffra-
gia etiam de rege ferēda accederetur, necessa-
riò censuimus. Præterquā enim, quod maius
ferè quàm sex septimanarum spatium: quod
aliàs legitimum omnium comitiorum tem-
pus esse solet, iam effluerat; tanta etiam in
maxima hominum, quæ eò confluerat, mul-
titudine anni tempore alienissimo, æstate non-
dum adulta, non modò caritas annonæ, verū
penuria omnium rerum exstiterat; vt sine ma-
ximo sumptu, maximaque difficultate nemo
iam amplius versari ibi posset: ab altera verò
parte, ita ex instituto negotia duci animad-
uertebamus; vt nihil aliud expectari ab illis in-
telligeremus, quàm dum omnes, quos à se in
electione dissensuros existimarent, dilaberentur.
Itaque, cum tempore ipso in sententiam
hanc adducti, tum quorundam iniquis consi-
liis

lijs compulsi, maximè autem omnium ferè rerum inopia adacti; non prius tamen statuere hac in re aliquid volumus, quàm quid nobis videretur, alios etiam certiores fecissemus. Non defuerunt sanè eo tempore, eo ipso in loco, qui institutum id nostrum vehementer probarent: pauci quidam, quos sæpius iam designamus, & à quibus reliqui etiam omnes postea, violētis actionibus illorum commoti, ad nos se contulerunt, ita id acceperunt, vt in eodem nos, quos aliàs quasi extrahere tempus voluerimus, accusant, quòd ad electionem tandem accedendum statueremus, grauissimas sententias dicerent. Cum exitum nullum rerum earum alium reperiremus, tandem id consilij suscipiendum existimauimus, quod cum tempus ipsum, tum reipub. vtilitas, tum maximè necessitas nobis suppeditabat. Itaque ad suffragia ferenda accessimus, vt more institutoq; maiorum, ordine sententias rogaremus. Qua in re, quò progressi simus, priusquàm ostendamus, de iudicij nostri, totiusq; electionis huius ratione atq; instituto, altius nonnihil repetendum nobis videtur. Tres omnino, qui regnum

peterent, esse videbamus, ser^{ma} domum Au-
striacam: ser^{mum} Sueciae principem: & magnū
Moscouiae ducem: preter hos nominatim qui-
dem pro se, vel alio, nemo petebat: non pauci
tamen, qui, vel omnibus hisce domesticum re-
gem praeferendum statuerent, existerant. De
ser^{ma} domo Austriaca, id semper iudicium no-
strum fuit, vt non modò ob generis ac fami-
liae amplitudinem, sed multò magis, ob virtu-
tes eo genere dignas, quas à prima pueritia tra-
di illis scimus, non modò hoc regno, sed om-
nibus amplissimis imperiis dignam eam iudi-
caremus, vtilitatem tamen, atque rationes re-
gni huius, plerisque non ignoras, alios quosdā
principes, postulare statueremus. In magno
Moscouiae duce, ditionū ipsius ad regnum ac-
cessionē, quae maximè nos, vt eum potissimū
eligeremus, mouere deberet, solam ferè esse vi-
debamus: de qua, cū à legatis ipsius, nihil
ferè certi proponeretur, praeterea eadem etiā
in mentem nobis veniebant, quae ab aliis quo-
que cogitata sunt: in religione non modò dis-
sensio, verū etiam obstinatio: incertitudo
promissorū: valetudo minimè regno idonea:

itine-

inertum locorūq; quæ sub ditione sua habere
ret, longinquitas. De indigena, si pacatis, & ab
omni affectu vacuis animis ad electionem ac
cederetur, maximam spem habebamus: post
quam autem ita ambitus exarisset, ut, quem
quidam sibi proposuissent, de eo maxima con
tentione certare eos videremus, præterquam
quod difficulter in tanta voluntatum dissensi
one eligi posset, tum si eligeretur, ut contra
quorundam studia satis firmus esset, non me
discreter verendum nobis existimabamus. So
lus videbatur relinqui Sueciæ princeps, qui nō
modo minimo, cum incommodo, verum eti
am maximo cum commodo eligi posset. Au
diebamus esse in eo cum indolem præclarissi
mam: tum studium pietatis, atque religionis
catholicæ: cognitionem linguæ Polonicæ: æ
tatem denique regno aptissimam. Accedebat
huc, ut eiusdem electione non modo regnum
ipsum novis amicitis atque fœderibus muni
tius futurū statueremus, verum antiquas eti
am controuersias quasdam, neque paucas, &
graues, quas cum regno hoc ferimus Sueciæ rex
intercedere sibi existimaret, sublatus in: nul

lum verò potentiorē vicinū, vel irritari, vel
offendi meritō electione eius posse. Non pa-
rum etiam propinquitās sanguinis, quā Iagel-
lonicæ familie reges, qui omnes optime de no-
bis maioribusque nostris meriti essent, attingeret, nos mouebat: quæ, etsi in regno liberō,
quod non successione, sed liberis ordinū suf-
fragiis deferatur, ad ius nihil faciat; ad æqui-
tatem tamē non parum facit. Itaque, cum ita-
tionibus, atque vtilitati reipub. consuluissemus;
hanc in reges nostros, atque adeo in præstan-
tissimam foeminam, reginam nostram, cuius
viuæ adhuc virtute perfrueremur, & ex cuius
sorore germana natus idem esset, pietatis, atque
grati animi laudem, non modò non aspernā-
dam, sed vel summo studio expetendam nobis
esse statuebamus. Quæ etsi ita esse intelligere-
mus; ita tamē ea sentire nos debere iudicaba-
mus; vt priusquam, quid alij etiam sentirent,
cognouissemus, omninò iudicium nostrū su-
stineremus. Itaque honestissima allegatione
ad eos missa: eademque per integram ferè se-
ptimanam quotidie repetita: cum, quæ nostra
de singulis competitoribus, totaque electione

iudi-

iudicia essent, illis ostendimus; quæ eo quidem
omnia pertinerent, vt ser^{mum} quidem Succia
principem accommodatissimum regno huic
futurum iudicaretur, à Mosco tamen etiam,
vel indigena non abhorreremus: tum, vt de ijs-
dem suam sententiam nobis explicarent, con-
iunctimque aliquem ex hisce nobiscum elige-
rent, petimus. Ad quam legationem, cum per
aliquot dies, per eos, qui omnia negotia hacte-
nus impedierant, ne responsum quidem vllum
referre potuissemus: ac verò grauissimæ corū-
dem in nos voces ad nos interim perferretur;
hanc siue arrogantia, siue iniuriam illorū, ciui-
li planè atque æquissimo animo tādū tamen
perculimus; quoad neque repub. sine rege,
neque nos in tanta omnium rerum, non mo-
dò difficultate, verum penuria regis eligendi
causa, eo in loco vllō modo diutius subsistere
posse intelligebamus. Simul verò tempore in-
teriecto, non modò alij nōnulli senatores, qui
superiore in loco consilia publica tractant;
verum Archiepiscopus ipse, qui more institu-
tōque maiorum, vt senatus, ita consiliorum
omniū, secundum regem in rep. princeps est;

partim paucorum eorum iniuriis irascant; partim necessitate regis eligendi; quam & reimpuls & respub. ipsa omnibus afferebat; adgressi; ad eandem non modo sententiam, verum eundem etiam in locum nobiscum descenderunt: quod iam ante etiam, cum alij quidam in primis status etiam Prussici, ac Livonici, inter quos maiores civitates Prusse, quibus iure publico ius suffragij ferendi competit, fecerant; ita ut ij, qui iam ante etiam a nobis designati sunt, non plures quinque senatores, illique eiusdem fere omnes familie; cum paucissimis ex nobilitate consanguineis fere, ac necessariis suis, soli relinquerentur. Qui cum publicas actiones instituto suo, quod antea usi fuerant, nihilominus impedire conarentur: nos autem omnes iam non modo loco, verum consilijs etiam atque sententijs conveniremus. Quod resp. ipsa a nobis flagitabat; ut ad designationem regis accederemus; omnino faciendum nobis statuimus. Itaque Archiepiscopo nobis præeunte, atque ad postulationem nostram regem renunciante; eas, quæ supra a nobis demonstratæ sunt, rationes secuti, quod

omniq
nobis

nobis, regno huic, vniuersaq; reip^a christiane
felix & faustum sit, ser^m Succiae principem,
Sigismundum, vnanimi cōsensu, regem Polon
iae, & magnum dūcem Lithuaniae, cetera
rumq; coniunctarum dirionum principem
elegimus, renouauimusq;. Quare ita admi
nistrata, cū tantus omnium ordinum con
sensus, quē cuius mouere deberet, idem tamen
illi, eum non pluris tū, quā antea fecisset,
faciendum eum statuissent, primū, vno atq;
altero die, deliberationibus inter se extracto,
triduū demum post, ser^m etiam Archiducem
Maximilianum, per Episcopum Kiouiensem
inter Episcopos non modo loco vltimum, sed
nō quidem adhuc consecratum, intempesta
iam nocte, nominarunt. De qua tota quidem
rē, pluribus dicēdum nobis non existimamus:
ne tam studio aliorum insectandorum, quā
rei ipsius explicandae facere id videamur. Id
tamen, quod ab vllō negari non potest, non
possumus sane praeterire: primū non modō
paucissimos, qui illi actioni praefuerint, fuisse,
verū, cū eos ipsos, qui superiorem consti
tutionem Andreiouiensem, qua ser^m Austriaci
princi-

principes, propter publicas regni huius rationes à regno exclusi fuerant, chirographis, signisq; suis confirmarint, verum auctores etiam eiusdem fuerint: tum quos vel mutua necessitudo, vel comune in alios odium priuatim inter se deuinxerint; ex ijsque ipsis non paucos partim ab ea discessisse, partim publice illi contradixisse: adhibitos deinde contra non modo nostra, verum omnium gentium iura, cum huius regni, tum aliarum nationum exules & proscriptos fuisse. Itaque mirum non fuit, quod in consilio, contra publica iura, omniumque morem publice notati atque proscripti interessent, existisse in eodem, qui contra ius, maiorem statemque regiam, inter alios proscriptum etiam, ad regium fastigiū, atque dignitatem euocandum proponere, atque ita cum ipsa sermone Austriaca comparare non dubitarent. In tali igitur consilio, atque tot & huiusmodi hominibus, ita, quemadmodum supra à nobis ostensum est; contra maximæ partis nimirum consensum, electa ser^{tas} sua fuit. Qui autem eam nominarunt, ita deinde reliqua persecuti sunt, ut quomodo nominatio ipsa administrata à se esset,

esset, consequentibus etiam rebus facile ostēderent. Primum enim, cum & libertas suffragiorū nobilitatis id postularēt, & maximē superiore electione, quę ipsa etiā in diuersa studia distracta fuerat, salutariter factum fuisset, ut primū per omnes districtus nobilitatis cōuentus haberētur, in quibus vtra electio legitima habēda esset, ab ipsa nobilitate definiretur: dies deinde coronationi certus præfiniretur, ad quem suos quique palatinatus legatos mitterent: neque inaugurationi diem certum præstituerūt: neque cōuentus ullos edixerunt, sed totum in suo arbitrio atque potestati reseruauerunt, ut, cum inuita nobilitate regem imponere conati fuissent, neque iudicijs eius committere se auderent, & clam deinde per occasionem, cum ipsis videretur, inducere eundem possent. Quibus quidem rebus ita administratis, legationeque ad ser^{mum} Archiducem Maximilianum, qua ad accipiendum regnum cum inuitarent, sibi ipsis decreta, Varsauiā diuersis itineribus ita discesserūt, ut Christophorus Zborouius, Visliciam, oppidū iurisdictionis magⁱ domini Nicolai Firley, Castellani Biaccensis, ut in nul-

Q

lo me--

lo metu, nulla etiam re magnopere prouisum,
repentē occuparet. Hic, temporibus Stephani
regis, pecuniarum à Mosco contra temp. ca-
ptarum, inq; ipsum regem perduellionis dam-
natus fuerat; sub tempus autem electionis, ma-
nu aliqua è diuersis gentibus proscriptorum
facta, regnumque vi, & contra leges publicas
ingressus, consilio illi, in quo ser^{tas} sua nomina-
ta fuit, non interfuerat solum, verum etiā præ-
fuerat.^{mi} Alter frater Andreas Zborouius, curiæ
Marscaleus, senatorem illustrem Stanislauum
Tarnouium, Castellanum Sandomiriē, Sto-
biniæ, quæ præfectura eius est, nihil tale ex-
pectantē, itidē improuiso armatis hominibus,
tormentisq; ad motis aggressus, res, suppel-
tilemq; omnē eius diripuit: ipsum cum vxo-
re ac liberis, Villiciam, ab altero fratre iam an-
tē, quemadmodum ostensum est, occupatam,
captiuum abduxit. Vbi, cum per aliquot dies
in custodia eum habuisset, tādē grauissimis
conditionibus ab eo exactis: inter quas & hæc
fuit, vt in electionem ser^{mi} Archiducis Maxi-
miliani se quoque consensurum promitteret:
vix eum dimisit. Præterimus, quæ in hoc ge-

nerc

nerē alia quā plurima violentē ab illis fa-
cta sint: complures homines nobiles eodem
modo, per vim, & metum, in partes adactos:
villas vicinas direptas ac spoliatas: homines
vexatos: multa quē alia, quā nemo eorum
admisisset, si vllum statum reipub. legum quē
ac iudiciorum futurum cogitasset, ac non eō
consilia omnia illorum spectarent, vt omnem
cū libertatem, tū statum reipub. fundi-
tis euerterent. Iam verō, quod ad ser^{mum} prin-
cipem Archiducem Maximilianum attinet, di-
ligētē sanē operam dedimus, ne quicquam
horum, & quo omnino in statu res essent, ser^{us}
sua ignoraret. Primum enim Varsavia, iam
cū ser^{mus} Sigismundus rex electus iam a no-
bis esset, & ipsius ser^{us}, vniuersaq; domus Au-
striacæ legatis, quo loco res esset, per primari-
os aliquot senatores, diligenter demonstraui-
mus: nequē vltērius cōtendere vellent, hortati
eos sumus: & eodē ex loco, ad sacram Cæs^{am}
etiā M^{tem} legatos misimus, qui omnibus de re-
bus diligētē M^{tem} suā edocerent. postea verō,
cū ex aliquot Palatinatū conuētibus nobi-
litis, tū a præcipuis nōnullis magistratibus

regni huius partim ser^{as} eius, partim Episcopus
Vratislaviens. ut vicinæ Silesiæ præfectus, com-
muniūq; pactorum quasi exactor quidā, dili-
genter admoniti fuerūt, ne eò ser^{as} sua progredi
velleret, quò cum progressa fuisset, publicā pa-
cem ac tranquillitatem vel tolleret, vel indu-
biū vocaret: ad extremū aut, his ipsis diebus,
è cōuentu vniuersæ nobilitatis regni ad Vissi-
ciam, non modò literas, verum legatos etiam
viros amplissimos, eadē de re ad ser^{em} eius mis-
simus. Neq; tamen nō præterea etiā sua spōtē
multa ser^u eius in mentem ventura statueba-
mus: primū, cuius iustitiæ esset, tam paucorū
hominum huiusmodi suffragio fretū, non tam
regnum quàm causam armorum arripere: cō-
tra eum autem arripere, qui si hæreditarium
hoc regnum esset, vel successionis iure proxi-
mus in eo successor futurus erat: huiusmodi
deinde arma, quibus non modò regnum hoc
atque seipsam, verum vniuersam christiani-
tatem, aut magnam eius partem in discrimen
adducere posset. Nihil hoc loco de pactis di-
cemus, quæ ser^{ma} domui Austriacæ cum ser^{mi}
regis nostri maioribus priuatim etiam inter-
cedunt

cedant: quæq; eorum ferè pertinent, ne altera familia alterius posteris ac necessarijs non modo in retinendis, sed ne in adipiscendis quidem honoribus ulli impedimento sit. Verum ea, cum privatim ferè inter ipsos principes constituta sint, magis ab illis sanctissime observari debent, quam à nobis rectè commemorari possunt. Id quidem silentio prætereundum nobis non videtur; quòd ser^{ma} domus Austriacæ ipsius legationes omnes, non alia cōditione à ser^{ma} regina nostra pro principibus suis contenderint; quam si ser^{mus} Succiae princeps vel non adepturus, vel non accepturus regnū esset. ut minime commissuros statueremus, ut, quem in petendo regno ipsi sibi prætulissent; eum, cum delatum ei regnum esset, de eodem deicere conari vellent. Cogitaturam non minus eam putabamus, dignitatisnè etiam suæ esset, tam angusta familia principem natum, primò à tam paucis hominibus regnum accipere videri voluisse; deinde iis, à quibus in regni petitione, seu de eo tradèdo, deliberatione proscripti hominis nomen cum sua dignitate exæquatum esset. Quibus sanè rebus, in opti-

mam spem veneramus, fore ut magis iustitiæ
atque dignitatis suæ, quàm quid ab aliis sibi
suaderetur, rationem ser^{tas} sua haberet. Verùm,
non raro ab aliis principes eò impelluntur,
quò, si suam potius prudentiam ac pietatem
quàm aliorum cupiditatem in consilium ad-
hiberent, nunquam progressi fuissent. Itaq, ab
iisdem, qui omnium harum rerum authores
sunt, ser^{tas} sua persuasa non modò huiusmodi
nominationē accepit, verùm fines etiam regni
cōtra antiquissima fœdera, quæ regno huic cū
vicinis ser^{ma} domus Austriacæ ditionibus in-
tercedunt, ne legatis quidem nostris prius au-
ditis, armata ingressa est. Quibus omnibus in-
rebus, quàm multa sint, quæ de ser^{te} eius meri-
tò queri possimus, nemo non videt. Ut enim
ab initio rem omnem ordiamur, & nouissima
conferamus primis, cui non indignissimum vi-
deri possit, ita regnū à ser^{te} eius ab initio pe-
titum esse, ut quo omnium nostrum non mo-
dò libertas, verùm salus etiam contineatur, id
pretio atque promissis, ser^{tas} sua adiungere co-
nata sit. Quod cū alienissimum à ser^{tis} suæ
æquitate plerisque videri possit, non affirma-
remus;

tenus, nisi factum id esse, atque ita factum,
vt nonnullis diuersis eadem etiam promitte-
rentur, vel ipsius ser^{tem} literis docere possemus.
Armavit deinde, atque instruxit pecuniis eos,
qui, vt ser^{tem} suam, cōtra omnium consensum
eligere possent, primò conuocationem Var-
saviensem, deinde ipsa electionis comitia, atq;
omnia consilia publica turbauerunt. Hominem
proscriptum, quem secundum fœdera, atque
pacta publica dedere debuisset, nō modò cir-
ca se habuit, atque fouit; verum tempore in-
terregni, vnà cum aliarum nationum exuli-
bus, armatum etiam in fines regni immisit:
per eumque nomen regium imponēdum sibi
curauit. Tōc deinde admonitiones nostras,
quot supra à nobis commemoratæ sunt; cum
non pluris, quam consensum omnium nostrū
fecisset, omni genere armorum, & apparatus
bellici instructa, non modò regnum ingressa;
sed in conspectū vsq; Cracouię progressa fuit.
Cum interim legati nostri, quos ad Cæs. M^{tem}
misimus, adhuc retineantur: ij verò, qui ad
ser^{tem} eius à nobis missi fuerāt, per aliquot etiā
dies retenti fuerint. Verum omnia tamen hæc
alio-

aliorū consilio, quā ipsius scri^{pt} tribuere ma-
lumus. Neq; sanē adhuc desperamus fore, vt
ad alia consilia descendat. Quid iustum, cer-
tē sit, quidque vniuersæ reipub. Christianæ ex-
pediat, perspicuum est: quis exitus, si armis
rem tētare velit, futurus sit, obscurū fortassis
esse potest: si tamē eā se scri^{ptas} sua esse voluerit,
quæ esse debet; non dubitamus, quin nihil cō-
ducere sibi existimatura sit, quod non idem
cum iustitia, & publica nominis christiani vti-
litate coniunctum sit: potiusque eos sit imi-
tatura, qui vel propria imperia, magna cū sua
ad omnem posteritatem laude, publicæ paci-
ac tranquillitati condonârint; quā eos, qui
aliena regna cum sua, & aliorum perniciē oc-
cupare conati sint. Quòd si alios, quā se ip-
sam audire maluerit; primum, si quæ calami-
tas ad alias etiam partes christianitatis ex hac
re promanârît, non modò à nobis illam non
proficisci, verum nihil etiam, quo ea euitare-
tur, prætermissum à nobis esse publicè testi-
ficamur; deinde populos finitimos omnes
rogamus; vt magis quid antiquissimis fœde-
ribus debeant, meminerint; quæ cum plerisq;
corum.

eorum huiusmodi nobis intercedunt; ut etiam
amisi reges bellum mutuo sibi facere velint;
populi tamen, si auocare eos non possint, sequi
tamen non debeant; quam, quid principes sui
postulaturi forte à se sint, spectent: quod qui-
dem, cum in omni priuata principum dissensi-
one, merito obseruare debeant; tum multo
magis in hac, quæ ab huiusmodi causa, & iure,
qualia ea supra à nobis demonstrata sunt, pro-
ficiscatur: secundum hæc, quæ vestrae etiam
partes principes christiani futurae sint, videtis.
ad quas quidem suscipiendas, non dubitamus,
quin re ipsius magnitudo pro nobis satis vos
hortatura sit. Itaque nos vnum hoc tantum ro-
gamus; ut aliorum regnorum Christianitatis
ruinis moniti, non nihil cum huius regni, om-
nium fere aliorum Christianitatis regnorum
propugnaculi curam, tum comune periculū,
tantum apud vos valere patiamini; quantum
apud omnes valere debet: quorum alterum
humanitatis vestrae erit, alterum prudentiae.
Dat. Cracouiæ die xij. men. Octobris. Anno
Domini M. D. Lxxxvij.

Maximilianus Dei gratia, electus rex

Typographus lectori.

Cum hæc ordinum scripta iam impressa essent, non ab re visum fuit, ut eadem de re ad venerabile capitulum etiam, academiam, & magistratum urbanum, sermⁱ Archiducis Maximiliani literæ, ad easque responsa, coniunctim cum superioribus scriptis imprimerentur. Quod ut ordines censuerunt, ita factum a nobis est.

S E R E

SERENISSIMI ARCHIDVCIS

*Maximiliani ad Capitulum Cracouiense
epistola.*

Maximilianus Dei gratiā, electus rex
Poloniæ, magnus dux Lithuanix,
Archidux Austriæ, &c.

Reverendissime, Reverendi, Venerabiles, sincere nobis dilecti. Quam observantiam regibus Poloniæ omni tempore venerabile Capitulum declaraverit, cum non ignoremus; idem erga nos quoque studium deuoat. Vrum plane promittimus. quæ causa est, vt benignè eis significare voluerimus, nos Oratorum à regni istius, ac magni ducatus Lithuanix statibus, & ordinibus, ad nos ex comitiis Varsauiens. in quibus legitimè electi fuimus, magnis precibus adductos, iuramento præstito, conditionibus nobis ad vtilitatem, & ornamenta reip. pertinentibus, sine vlla relictatione, benignè acceptis ac promissis, in regnū hoc progressos esse. Quomodo autem a quibusdam accepti fuerimus, qui hostiliter miseros incolas, villas,

adificia, direptionibus, incendiisq; sine causa
vastarunt, deū. V^a ipsa prope oculis inspec-
runt. Nos certe, quibus nihil nisi pax publica,
& quæ ex pace fluunt bona, cordi sunt, non si-
ne magno dolore vidimus. Horum conatibus
vt deū. V^a pro sua pietate, in religionem &
patriam studio, omnibus rationibus, quibus
possunt, obuiam ire velint, benigne hortamur
& requirimus. Nihil autem dubitamus, hæc
deū. V^{ris} quoq; consilia ipsorum tam violenta,
& à publico bono magnoperè abhorren-
tia, displicere. Quare iterum deū. V^{ras} benigne
monemus, & postulamus, vt legitimæ nostræ
electioni, eamque pro sua auctoritate promo-
ueant. Quod si, vt speramus, factum fuerit;
benigne deū. V^{ris} promittimus, nos non so-
lum priuilegia vestra, quæ à diuis prædecesso-
ribus nostris accepistis, cōfirmaturos; sed plu-
ra insuper adiecturos, quæ & emolumenti, &
dignitatis plurimum Venerabili isti Capitulo
asserent. In priuatas quoque personas vestras,
tantum gratiæ & benignitatis conferemus;
quantum merita earūdem a nobis postulaue-
rint. Deū. V^{as} benè valere optamus. Data ex

predio nostro Rakowicza, decima septima die
Octobris, Anno Dñi Octuagesimo septimo.

EPISTOLA CAPITVLI CRACO-
uicn. per Reueren. & Gener. D. Joannem Krasin-
ski de Krasne, Cantorem Cracouien. internuntium
missa, qua precedenti epistolæ respondetur.

Ser^{me} princeps, dñe dñe clem^{me}

Accipimus ser^{us} V^a literas, fauoris & be-
neuoletia, erga capitulum hoc nostru
plenas. quo nomine ser^{us} V^a maiores, quas
possumus, agimus gratias: eamq; ser^{us} V^a er-
ga nos clementia, testificationem amplecti-
mur. Quod uero negotium electionis attinet,
cuius ser^{us} V^a in eisdem literis suis facit men-
tionem, nos sanè ea in re iam inde ab initio
Reuer^{rum} Dñorum Episcoporum nostrorum
sententiam secuti sumus. vna cum quibus ser^{mo}
Sigisimundo, Succia principi, fideni nostram
obstrinximus: a qua semel data, quam nobis
saluo honore, & conscientijs nostris non lice-
at discedere, ipsa ser^{us} V^a pro ea, qua pollet
prudencia, facile iudicare poterit. Dolenter
sanè praesentem christiani orbis tempestatem

ferimus: eamq; quod nunc facimus; profusis
ad aras lachrymis, sedare etiam atque etiam
in posterum quoq; curabimus; certōq; nobis
pollicemur, Deum Opt. Max: priorū precibus
aliquando placatum, pristinam pacem, & trā-
quillitatem regno huic redditurum. De ser^{te}
autē V. quam singulari erga Deum religione;
& pietate eximia, præditam nouimus; non du-
bitamus eam eiusmodi consilia amplexuram
esse; quibus profusio christiani sanguinis vita-
ri possit: quam mentem, vt Deus Opt. Max: in
ser^{te} V. promoueat; ad omnia istius vrbis tem-
pla deuotē supplicabimus. His nos vnā cum
orationibus nostris, in gratiā ser^{tis} V. commen-
damus. Cracouiæ. 20. Octobris. 1587.

SERENISS. ARCHIDVCGIS

*Maximiliani ad Academiam Cincouicensem
epistola.*

Maximilianus Dei gratia, electus rex
Poloniæ, magnus dux Lithuanix,
Archidux Austriæ, &c.

M Ag^{te}, reuerendi, excellen; nobiles, &
clarif-

clarissimi viri, fideles nobis dilecti. Quod
Academia vestra, à primis initiis singulari or-
namento, toti Poloniae regno fuerit, & ex gre-
mio suo viros praestantissimos, ad ecclesiae &
reipub. functiones protulerit; cum non igno-
remus; nos quoque erga eandem elementer
affecti sumus. Cum itaque in vrbe ista nostra,
non postremum obtineatis locum: & de ve-
stro in nos, causamque nostram, singulari, &
beneuolo animo, nihil dubitemus, significan-
dum vobis duximus, nos hisce diebus, quod
Deus reipub. faustum esse velit, ultra fines re-
gni huius nostri, ad cuius gubernacula legiti-
mè electi sumus, processisse: ut primo quoque
tempore, de more maiorum nostrorum guber-
nacula capeffamus, & diademate sacro acce-
pto regno inauguremur. Quomodo autem
hesterna die in ipso ad urbem istam aditu, à
quibusdam excepti fuerimus, qui priuatis po-
tius affectibus, quàm publica vtilitate ducun-
tur, vidistis. Quorum perniciofa consilia om-
nia, direptionibus, & incendiis miserandum in
modum vastantium, vos approbare persuade-
re nobis non possumus: Contra vero confi-

dimus, vos non alieno à nobis animo, legiti-
maque nostra in regem Poloniae, & magni du-
catus Lithuanie electione esse: quippe quibus
nihil aliud propositum sit, quàm pax, & digni-
tas, ac commoda, salusque nobilissimæ huius
reipub. vt ex iuramento à nobis præstito, &
conditionibus acceptis satis aperte apparet;
quæ omnia his adiuncta legere potestis. Qua-
re benigne vos hortamur, vt publicæ incolumi-
tatis ratione habita, legitimam nostram
causam, quantum in vobis est, promoueatis.
Quod si, vti speramus, factum fuerit; immu-
nitates, & priuilegia vestra, quæ a diuis præde-
cessoribus nostris accepistis, non solum cōfir-
mabimus, sed alia quoque insuper, quæ rei li-
terariæ vestre vsui esse duxeritis, adiiciemus: &
modis omnibus enitemur, vt vetustissima & no-
bilissima Academia vestra, nouo quodā splen-
dore illustretur, & multas alias vti antiquitate,
ita quoque dignitate excellat. Quicquid etiam
priuatim singulis gratiæ, & benignæ volūtatis
declarare poterimus; ea in re nos vobis non
defuturos esse certò polliceri potestis. Bene
valere vos optamus. Dat: ex prædio nostro

Rako-

kowicza, decima septima die Octobris. Anno
Domini, octuagesimo Septimo.

ACADEMIAE CRACOVIENSIS
*ad præcedentem epistolam responsum, per Reſ.
Dñm Nicolaum Dobrocieſki I. V. D. Præpoſi-
tum S. Agnetis, &c. internuntium, miſſum.*

Sere^{me} Archidux Maximiliane, domi-
ne, domine ac ſtudioſum fautor cle-
mentiffime.

SI nobis per fidem iam antè ſereniſ. Sigi-
ſmundo, reg. Sueciæ principi, datam, li-
citur eſſet: aut ſi membro vni a toto reliquo
corpore diſcedere expediret: aut ſi vera eſſent,
quæ apud ſer^{tem} V. de electione referuntur;
nihil prius & antiquius haberemus; quàm re-
principem, omni ex parte præſtantiffimum, li-
terarumque, & literatorum ſtudioſiſ. huic, &
cuius alteri ceſſiſſimo loco præfectum eſſe.
Verum hæc omnia contra euenire planè vide-

Q^{uare} ignoscatur. V^{erum} totos, aut adiunctos esse voluit: totoq; senatu,
exceptis iis, prout ex recessibus omnium conuen-
tuum percepimus, quos nunc ad latus suum ser-
u^{atus} habet, frequentissimo nobilitatis conuen-
tu, ser^{uatus} Sigismundus, rex Poloniae declara-
tus, ac renunciatus est: & postea in Palatina-
tuum regni, & ducatum eius conuentibus,
tandem & ad Visliciam, vniuersa regni nobi-
litas, missis nuntiis, qui etiam in hanc urbem
conuenerunt omnes, eidem electo regi, volun-
tates suas adiunxit: & qui electioni eius con-
tradicerent, hostes patriae declarauit. Quae
cum ita essent; nos, quibus pax, & salus reipu-
bl. maximè cordi est; eidem electo, de cuius in re-
gnum aduentu certos iam nuntios habemus,
totiusque reipub. consensio, animos, & stu-
dia, fidemq; nostram obligauimus. Est tamen
& illud nostrum peculiare, quod Academia
haec nostra, a D. Jagellonibus, regibus Poloniae;
ex quorum sanguine ser^{uatus} Sigismundus ele-
ctus, maternum genus ducit, fundata; priuile-
giis, libertatibus, & beneficiis ornata; ac in eam,
in quo nunc est, statum adducta, haecenus
etiam ab iisdem ornari non praetermittitur.

Qua-

Quare ignoscat ser^{tas} V. officio nostro : patia-
turque nos cum maioribus nostris, senatu, ac
ordinibus regni, pro Iagellonio rege, secūdum
fidem semel datam sentire. Ser^{ti} V. optima o-
mnia, & celsissimos in repub. Christiana ho-
nores à Deo precamur : cuius gratiæ nos stu-
diosè & obseruanter commendamus. Dat: ex
Academia Cracouiē, 21. Octob. 1587.

SERENISSIMI ARCHIDVCIS

*Maximiliani, ad senatum Cracouiensem
epistola.*

Maximilianus Dei gratia, electus rex
Poloniæ, magnus dux Lithuanie,
Archidux Austria, &c.

PRudentes, ac circumspecti, sincere nobis
dilecti. Cū non ignoretis, legitime nos
in regem Poloniæ, & mag^m ducem Lithua-
niæ electos, significamus vobis, nos diebus hi-
sce, vt diuinæ vocationi, & oratorum, qui ab
ordinibus, & statibus regni Poloniæ, & magni

rem gereremus, regnum hoc ingressos, ut de
more diuorum prædecessorum nostrorum sa-
cro diademate accepto, ad gubernacula ac-
cederemus. Cum verò quidam, nulla quidem
iusta causa, sed affectibus ducti, legitimæ no-
stri electioni sese opponant, nosq; paci præci-
pue, publicæq; tranquillitati studentes, modis
omnibus oppugnent; hostilia in nos arma in-
ferant; ac mîeros incolas direptionibus affli-
gant; villas ipsas circumiacentes, atq; ædificia
vestra miserabiliter, atque atrociter in cinctes
conuertant; benigne vos hortamur, ut ab ho-
rum, vobis, & reipub: perniciosis consiliis, vos
sejungatis, & patriæ vestræq; saluti, atq; digni-
tati, & emolumentis studentes, nos pro ele-
cto rege vestro agnoscatis, atque in urbem re-
cipiatis. Quod si factum fuerit, ne dubiteris,
id ipsum in vestrum, patriæque vestræ bonum
multipliciter redundaturum esse. Intelligetis
enim re ipsa, nos urbis vestræ, & libertatum,
priuilegiorūq; omnium, maximam rationem
habitueros esse. Incumbemus præterea in eam
curam, ut omnia, quæ ad incrementum, & or-
namentum urbis vestræ a nobis præstari po-
terunt;

tebunt, belligendi a nobis promoucantur. Primum etiam vobis omnibus, omnem gratiam, & benignitatem exhibebimus. Quid autem spectemus: quid cum gratia Dei propositum nobis habuerimus, & semper habituri simus: quanto per eam dignitatem, & comoda, atque ornamenta omnia reipublice nobis cordi sint, ex iuramento nostro, atque ex conditionibus a nobis sancte promissis, quæ his adiunximus, ulterius intelligere poteritis. Data ex prædio nostro Rakowicza, decima septima die Octobris. Anno Domini, octuagesimo septimo.

SENATUS CRACOVENSIS ad
precedentem epistolam responsum, per nobilem & spectabilem D. Martinum Valiszerowski, Urbankowicz diocesanum, eiusdem urbis senatorem, internuntium, missum.

Serenissime princeps, & Archidux
Austriæ, Maximiliane, &c. &c.
domine clementissime.

Et semper fuit maiorum nostrorum erga

omnia pati maluerint, quàm aliquid contra
fidem regibus & principibus suis debitam,
præsumere & facere: vel eos, licet in summis
ipsorum difficultatibus, deserere. Quam fidem
& integritatem nobis à maioribus nostris tra-
ditam; vti hæctenus semper sanctè conserua-
uimus; ita etiam hoc, licet difficili tempore, ni-
hil minus cogitamus, quàm ab ea recedere,
vel ipsam in minimo quopiam puncto viola-
re. Cum itaque in comitiis electionis regie
Varſauie proximè celebratis, serenissimus
princeps ac dñus, dominus Sigismundus, prin-
ceps Suecie, ab omnibus ordinibus regni hu-
ius, liberè & legitime, in regem Polonie, &
magnum ducem Lithuanie, Russie, Prussie,
Masovie, Samogitie, Liuonie, &c. &c. ele-
ctus, & per reuer^{mum} dominum Archiepisco-
pum Gnesnensem, primatem regni, ibidem in lo-
co publico, cum assensu omnium ordinum
& nobilitatis Polonice, & Lithuanice nomi-
natus; ac deinceps in conuentibus particula-
ribus terrarum regni, tum etiam in conuentu
regni generali, ad Visliciam nuper transacto,
confirmatus sit; nos, vti non postrema pars

rei-

reipub. regni huius, qui cum equestri ordine
vniti, & pari praerogatiua ferendorum in con-
uentibus regni suffragiorum decorati sumus,
tam Varsaviae suae M^{is} electioni, per internun-
tios nostros subscripserimus, quam deminceps
iteratis vicibus, cum tota communitate ciuita-
tis huius assenserimus: neminem aliū regem,
& dominū nostrum agnoscere, vel in vibem
hanc recipere, salua fide nostra possumus, nec
debemus; praeter eundem serenissimum prin-
cipem ac dñm, dñm Sigismundum tertium,
dei gratia electū regem Poloniae, &c. Dñm
nostrum clementissimum. Cuius aduentum,
vtrifaultum, ac felicem a Deo Opt. Max: pre-
camur, & praestolamur; ita etiam parati su-
mus, pro suae regiae M^{is} dignitate, ac regni, &
reipub. huius incolumitate, fortunarum om-
nium, vitaeq; periculum, si necessitas expostu-
lauerit, subire. Proinde serenitas V. nos ex-
cusatos esse velit; quod eis, quae a nobis requi-
rit, assentiri nequeamus: hocq; sibi certò per-

hanc passi sumus, & huc vsque patimur (quæ
tamen nobis tanquam in thesauro reip. regni
huius recondita esse, ac per ser^{mum} regem no-
strum, & omnes ordines regni huius, cum fœ-
nore restitutura iri, nihil dubitamus) sed etiam
propter extrema quæq; , à fide, & integritate,
quam ser^{mo} regi electo debemus, non recessu-
ros: quod etiã nos præstituros sanctè pollice-
mur, atq; profitemur. Deum verò Opt: Max:
ardentibus votis precari non desistemus; vt
ipse hæc omnia in melius conuertere, atque
regno huic, & toti christianitati optatam pa-
cẽm, & tranquillitatem restituere dignetur.

Hiscẽ ser^{tem} V^{am} quàm optimè viuere, &

valere cupimus. Datæ Cracouiæ,

die vigesima Mensis Octo-

bris. Anno Domini,

1587.

ANT
1312166